



Wantok



Isu Namba 2330 Me 23 - 29, 2019 28 pes

Niuspepa Bilong Yumi Ol PNG Stret!

K1 tasol

Is your biggest dream owning your own home?

▶ **10%** Minimum deposit required

▶ **30yrs** Maximum Loan Term

▶ **Refinancing** option is available.

Find out more at one of our branches or visit us at www.kina.com.pg

UNBEATABLE INTEREST RATE

6.95%

Kina Bank Home Loan

Competitive interest rates with outstanding features and benefits to help you get started.

Telephone: +675 308 3800 | Facsimile: +675 308 3899
Email: kina@kina.com.pg Swift KINIPGPG
Terms and conditions apply.

kinabank
together it's possible

O'Neill no ken stap PM- Kramer tok

moa stori long pes 2

Benorah Carrie Hesehing i raitim

MAMA lo bilong kantri aninit long seksen 103 long kwalifikesen, i tok no gat man inap long kamap memba bilong palamen sapos em i gat pepa olsem sitisen bilong narapela kantri. Lo bilong sitisensip long PNG i tambuim wanpela man o meri long kamap sitisen bilong arapela kantri tu sapos em i laik stap olsem sitisen bilong PNG na kisim

wankain rait na sans olsem ol arapela sitisen.

Sapos dispela lo i olsem, Peter O'Neill i no inap long stap olsem Praim Minista bilong kantri o stap olsem memba bilong Palamen.

Memba bilong Madang Bryan Kramer i mekim dispela tok bihain long em i mekim wanpela wok painim na lukim olsem Mista O'Neill em wanpela sitisen bilong Australia na i karim paspot bilong Australia.

Australia bai skruim NID na NSO lukbek

Pes 2

Sir Michael Somare i tok sori long Bob Hawke

Pes 3

BANIS KAU O MAKET! Sori long lukim olsem ol manmeri na kau i mekim maket wantaim. Poto i soim olsem i no gat banis na luk olsem ol i no gat ol papamama bilong ol, olsem na dispela ol kau i raun fri long ol pablik ples long Goroka, Isten Hailans. Pablik tu i kamap olsem ol papamama bilong ol kau. Poto: Sape Metta Lukim stori pes 6



DOUBLE DOUBLE DATA

Lukim **P7** lo kisim moa toksave!

4G LTE

Olgeta raun

Reservations: **7411 2644**
Toll Free Call: **16111**

Email: callcentre@pngair.com.pg
Email: reservations@pngair.com.pg
Online Reservations: www.pngair.com.pg

**GUTPELA
TIKET PRAIS
OLGETA DEI**

PNG Air

Australia bai skruim NID na NSO lukbek

Benorah Carrie Hesehing i raitim

AUSTRALIA gavman bai helpim Nesanel Plening long mani bi-long mekim wanpela luk bek long NID projek na kamapim ol rot Dipatmen inap bihainim long stretim bek dispela projek.

Pastaim Minista bilong Nesanel Plening, Richard Maru i mekim dispela tok las wik.

“Australia gavman mi amamas long helpim gavman long sekim gen NID projek.

“Mipela i mekim planti wok tasol i wok long bungim planti hevi yet long sistem bilong wokim ol kat. Em i wok isi tumas. Dispela grup bai sekim gen ran bilong projek na mekim wanpela ripot i go long gavman we tokim ol rot mipela inap bihainim long stretim bek dispela projek.

“Mipela i mas mekim dispela hariap na rejistaim olgeta manmeri hariap, pastaim long yia 2021,” Mista Maru i tok.

Em i tokim nupela Minista bi-

long Nesanel Plening, Sam Basil long bung wantaim Australia Hai Komisina long dispela wik na toktok long kamapim dispela wok hariap.

Em i tok Mista Basil long wok-bung wantaim ol Membra na distrik bai olgeta manmeri inap rejista.

Minista Sam Basil i tok olsem dispela masin bilong mekim ol NID kat ol i givim kontrak long mekim ol ID i bagarapim.

Nesanel Plening i tokaut olsem masin i bagarap yet na ol i ting em bai orait long wokim ol NID kat sampela taim long mun Jun na Julai.

Long wankain taim, Mista Maru i tok Australia gavman i wanbel tu long givim mani long skelim get Nesanel Stetistikol Opis (NSO) na mekim ripot.

Em i tokim Sam Basil long sekim ken ol dispela toktok bai Dipatmen inap long askim gavman long sampela senis ol inap long stretim bek wok bilong dispela opis.



Richard Maru na Sam Basil long taim bilong lusim wok i go long nupela Minista.

Skul bilong strongim rot sefti long kantri

Papua New Guinea-Australia Partnership program i mekim ol wok nau long strongim rot sefti long Papua Niugini.

Samting olsem 140 pipel i bin stap insait long wanpela rot sefti woksop long Goroka na narapela ong Arawa.

Dipatmen bilong Woks na Infrastaksa i bin go pas long dispela woksop olsem hap bilong 2019 UN Global Rot Sefti Wik. Ol i kisim sapot i kam long Papua New Guinea-Australia Partnership na Rot Transpot Atoriti (RTA).

Ol i bin tokaut tu long nupela Bampa Stika Kompetisen. Ol i askim ol skul studen long disainim ol bampa stika i promotim wanpela bilong ol foapela sefti eria – pasim sia let, no ken salim teks na draiv, draiv long rait spit, na lukluk long raithan na lephan bipo long yu kalapim rot.

Ol lain i winim dispela kompetisen bai kisim K250 long wan wan droing i win na bai ol i putim disain bilong ol long bampa bilong ol kar. Dispela kompestisen bai pas long 31 Me, 2019.



BSP Kopret Sponsasip Menesa, Amelia Minoppu i givim sek mani long Siaman bilong Motu Koita assempi Dadi Toka jnJuniar, taim ol arapela BSP opisa i sanap lukluk. Foto: BSP media

I kam long pes 1

Mista Kramer i tok dispela i wanpela hevi em i traim long painim aut longpela taim tru bihain long gavman bilong O’Neill i sainim agrimen bilong kisim kisim sitisen pepa bilong tupela kantri.

“Mi painim inap evidens long soim long kot long strongim tok bilong mi,” Mista Kramer i tok.

Opis bilong Praim Minista i tokim Wantok Niuspepa olsem Mista O’Neill i no givim wanpela bekim yet long dispela toktok bi-

long Brian Kramer.

Mista Kramer i askim Praim Minista long kisim tok bilong Australia gavman hariap na soim long pablik olsem sutim tok bilong em i no tru bai em i ken tok sori.

“Sapos em i no mekim dispela, mipela i gat rot i stap long long mekim long dispela hevi

Sedo Tresera na Membra bilong Sina-Sina Yongomul, Kerengua Kua i tok Australia i gat lo i ban-

isim ol sitisen bilong en. Dispela lo i save tambuim ol long givim ol infomesen bilong ol sitisen long arapela man o meri.

“Sapos mipela i sekim ol na ol i no inap givim infomesen, em i soim olsem Peter O’Neill em wanpela sitisen bilong Australia olsem na dispela lo i karamapim em.

“Mipela bai yusim olgeta rot long mekim long dispela hevi na em i isi long soim tru olsem Mista

O’Neill em sitisen bilong Australia na i gat Australia paspot.

Mista Kramer i tokim Wantok Niuspepa olsem Sedo Minista bilong Foren Afes, Dokta Allan Marat bai rait i go long Australia Hai Komisina long Fraide, dispela wik, sapos Mista O’Neill i no soim olsem dispela tok i no tru hariap.

Long wankain taim, Minista bilong Jastis na Atoni Jeneral, Afred Manase i rait i go long Minista bilong Imaigresen long sekim

olgeta 111 memba long palamen sapos ol i sitisen bilong narapela kantri tu o no gat.

Sapos wanpela moa i gat dispela pepa bai ol i ken mekim moa wok painim long dispela kain hevi.

Mista Kramer i tok Mista Manase inap long sekim ol tasol sapos Praim Minista em sitisen bilong Australia o no gat, na i no lusim planti taim long sekim olgeta memba.

JETAWAY to Cairns!

Air Niugini

www.airniugini.com.pg

- Daily Jet Service
- Faster, Higher, Smoother
- Ex Pom 9x weekly

- Enjoy complimentary food & beverage service
- Free 30kgs baggage allowance
- Enjoy travel all year round

For bookings call

Toll Free on 180 3444

7373 2100 / 7104 3444



Sir Michael Somare i tok sori long Bob Hawke

Sir Michael Somare i tok em i bin sori long taim em i harim olsem Bob Hawke, praim minista bilong Australia bipo i bin dai long las wik.

Em i tok planti ol lida bilong dispela rijon i luksave long em olsem wanpela gutpela Labor praim minista bilong Australia.

Sir Michael i tok em i tingim ol gutpela stia toktok bilong Bob Hawke long leba muvmen bipo long PNG i bin kisim independens long 1975.

Em i tok Bob Hawke wantaim ol loya bilong Australian Council of Trade Unions (ACTU) i save kam long PNG long helpim ol lain yunion

hia.

“Long taim mi bin praim minista bilong Papua Niugini, mi painim olsem Bob Hawke i bin wanpela man i luksave long ol wok bung namel long yumi na em i helpim long kamapim gutpela sindaun namel long kantri bilong yumi. Em i bin wanpela lida tu husat i laik lukim PNG i kamap strong olsem independen kantri. Ol pipel bilong PNG i lusim wanpela gutpela pren,” Sir Michael i tok.

Em i tok olsem Bob Hawke i wanpela trupela pren bilong ol pipel bilong Papua Niugini

Kua i singaut long ol han bilong gavman long bihainim lo

Sedo Atoni Jeneral na memba bilong Sinasina Yonggomugl, Kerenga Kua i askim Polis Minista na Polis Komisina long bihainim lo na lukim olsem i no gat trabel bai kamap long taim Palamen i bung gen long Me 28.

Mista Kua i tok ol lain i lukautim lo i no ken helpim wanpela sait na givim baksait long narapela. Em i tok Polis Minista na Polis Komisina i mas bihainim stret lo na mekim wok bilong ol long dispela taim.

Em i tok ol tupela lida i mas lukim

olsem olgeta polisman na meri i mas bihainim stret promis bilong ol na protektim ol pipel na propeti bilong ol, na i no ken was tasol long ol memba bilong palamen.

Mista Kua i tok em i mekim dispela askim bikos long politiks i go insait long wei bilong ranim gavman. Em i tok wanpela bilong em pasin bilong makim ol lain i go holim wok bilong independen institusen. Dispela pasin i save mekim hat tru long ol dispela lain i mekim ol gutpela disisen.

“Ol kain lain olsem Kumul Petroleum Holdings Limited i save ansa tasol long Praim Minista,” em i tok.

Em i tokaut olsem Central Supply Tenders Board i bungim sampela bikpela salens long wok bilong givimaut ol kontrak.

Mista Kua i tok em i laik tok amamas tu long ol arapela independen han bilong gavman olsem Ombudsman Komisin long pinisim ripot bilong UBS Loan na givim i go long Spika bilong Palamen long putimaut long palamen.

Suprim Kot surukim taim bilong harim VONC eplikesen

NAU em i orait long Oposisen long go het long Vot bilong no gat bilip. Dispela i kampa bihain long Suprim Kot i surukim taim bilong harim dispela toktok asde.

Suprim kot i harim olsem Oposisen lida, Patrick Pruaitch man i muvin vot i no gat bilip long Palamen em i mas aplai na wanbel long dispela epilkese bilong holim bek VONC

gavman i putim pastaim long 20 Me 2019.

Mista Pruaitch i bin aplai long Suprim Kot olsem intres pati tasol kot i rausim epikesen. Asde, kot i askim Mista Pruaitch to aplai gen olsem intres pati na wanbel long kot i harim dispela tok. Kot i tokim Loya makim Atoni Jenrel, Tiffany Twivey tu long rait i go long Spika pastaim long Me

28 na tokim em long mekim VONC i kamap lsem wanpela sans pepa.

Ol loya i laikim moa taim long toktok wantaim ol man ol i makimna bai stretim ripot bilong hariap na kamap long kot pastaim long palamen kibung long 28 Me 2019. Dispela i mekim gavman i rausim bek dispela askim asde. Kot bai sindaun gen long harim dispela toktok long 22 Me 2019.

Manase i tok kliia long Vot I Nogat Bilip

Atoni Jeneral, Alfred Manase i tok kliia long ol pipel bilong PNG long wanem samting bai kamap long taim palamen i bung gen long Me 28. I gat planti paul toktok i kamap long dispela Vot I Nogat Bilip olsem na Mista Manase i tok kliia.

Em i tok long taim palamen i bung long Tunde Me 28, 2019. Bai Spika i toksave long palamen olsem em i kisim dispela mosen bilong Vot I Nogat Bilip em Oposisen i bin putim.

Aninit long ol Standing Oda bilong Palamen, bai Praivet Bisinis Komiti em Spika yet i siaman bilong en, i bung long Trrinde Me 29 na skelim dispela mosen. Sapos dispela komiti i tok orait, bai ol i toksave long palamen long disisen bilong ol long Fonde 30 Me. Bi-

hain long wanpela wik long Jun 6, 2019, Palamen bai vot long dispela mosen.

Mitsa Manase i tokaut tu olsem long taim em i kisim tok save olsem Spika i bin kisim dispela mosen i kam long Oposisen, em i putim wanpela eplikesen long askim Suprim Kot long stopim palamen long toktok long dispela Vot inap long Suprim Kot i givim ansa bilong em long wanpela askim Atoni Jeneral bipo, David Stephen i bin putim long kot long Desemba 3, 2018.

Mista Manase tok long taim oli kisim bekim bilong Surim Kot, orait palamen bai fri long mekim ol wok bilong en na i no tingting planti sapos em i kalapim mak na i go insait long eria bilong ol kot.



3.25% for 180 days
2.00% for 90 days
1.75% for 30 days

TERM DEPOSIT

- Lock away excess funds - K5,000 - K250,000
- Protect your savings from impulsive spending
- Earn interest and reinvest

WE ARE **BSP**

☎ 320 1212 / 7030 1212 - 24/7 ✉ servicebsp@bsp.com.pg www.bsp.com.pg

Sentral pipel laik Motu Koita Siaman mas tok sori

Nicky Bernard i raitim

OL Pipel bilong Sentral Provins i laikim siaman bilong Motu Koita Dadi Toka Jr long tok sori long Gavana bilong ol Robert Agarobe long wanem toktok em i mekim long en long sosel midia.

Dadi Tokai Junia i putim toktok bilong em long sosel midia na tok olsem Gavana Agorobe em "Stupit na arrogant" we i no go daun gut long ol pipel bilong Sentral.

Agarobe i go long ples bilong em long Sirinumu long soim olsem em i wanpela bilong ol papagraun wantaim ol memba bilong em long asembli. Dispela bung long Sirinumu em bilong Gavana Agarobe long tokaut long ol ples lain bilong em stret long watpo em i muv go long Oposisen, na tu long soim olsem em i wanpela bilong ol papagraun truru bilong Sentral na Pot Mosbi.

Agarobe i tok em i namba wan papagraun gavana bilong Sentral na Pot Mosbi Siti. Em i tok planti samting i no kamap stret long ol pipel bilong Sentral.

Agarobe i tok tu olsem long 135

yia go pinis ol pipel bilong em i save stap olsem ol i no gat graun na long Epril em i mekim wanpela petisen long makim maus bilong ol pipel bilong Sentral long kisim bek Pot Mosbi. Em i tok long tingting bilong em ol pipel bilong Sentral i no gat luksave. Ol i nogat provin-sal het kota we sampela win mani long insait long Pot Mosbi i ken helpim ol.

"Sentral Provins i nogat bris, ples balus na ol narapela bikpela projet we i ken givim sampela win-mani" Agarobe i tok.

Em i tok olgeta dispela samting i stap long graun bilong ol long Pot Mosbi na ol i no kisim wanpela guppela samting.

Gavana Agarobe i tok Pot Mosbi is tap insait long Sentral Provins tasol ol i no save kisim wanpela lik-lik mani long ol dispela projek. Em tok tu olsem Sentral Provins save kisim K17 milien long K450 milien Nesenel Kapital Distrik (NCD) enuweli long baset tasol i no inap long lukautim Sentral Provins

Agarobe i tok Sentral Provins i laikim siti bilong ol na bai ol strong long kisim bek Pot Mosbi Siti.



Mipela papagraun ya: Gavana bilong Sentral, Robert Agarobe, wantaim ol Asembli Memba bilong em i bung long Sirinimum ples we Gavana Agarobe i kam long en. *Poto Nicky Bernard.*

Bihainim MTP3 na givim mani-Maru

Benorah Carrie Hesehing i raitim

PASTAIM Minista bilong Nesenel Plening na Memba bilong Yan-goru-Sausia, Richard Maru i salensim nupela Minista, Sam Basil long bihainim gut Mediem Tem Developmen Plen namba tri (MTDP3) i givim mani long skruim ol projek inap long kamapim guppela kaikai na i no tro-moi nating long ol wok i no gat kaikai.

"Planti grup i save ting Nesenel Plening i gat mani i stap long givim nating nating.

"Olgeta Minista, Memba na ejensi bai kam askim.

"Yu mas sanap strong long MTDP3 na givim mani long ol

projek i stap insait long baset tasol," Mista Maru i tok.

Em i tokim Mista Basil long was gut long seketeri na opis bilong em na i no ken givim mani nating long olgeta kain kain samting.

"Givim mani long ol projek i stap long baset na long inap karim guppela kaikai," em i tok.

Mista Maru i tok Saiens bilding projek long Yunivesiti ov Papua Niugini (UPNG) em piksa bilong ol kain projek i save kisim mani nating na i no save kamapim guppela wok.

"Nesenel Plening i givim olgeta mani ol i laikim long wokim dispela projek na no gat guppela wok i kamap. Dispela bilding i sanap wankain.

"Dispela yia, mipela i givim narapela K15 milien gen long ol i wokim dispela bilding," em i tok.

Long wankain taim, Mista Basil i tok em bai bihainim tok bilong Mista Maru, husat em nupela Minista bilong Fainens na Rurel Dvelopmen.

Em i tokim ol wokman na meri bilong Dipatmen long no ken giamanim ol memba bilong palamen olsem i gat mani i stap.

"Mipela i save long yupela ol senia woklain husat i save mekim kain pasin.

"Sapos wanpela memba bilong palamen i tokim mi olsem wanpela bilong yupela i mekim olsem, mi bai tokim sketeri long soim dua long yu (pinisim yu long wok)," Mista Basil i tok.



SKUL MAKET. Ol mama i sanap ausait long banis bilong Wardstrip Praimeri Skul long Pot Mosbi na salim kaikai lng ol sumatin. Grafeti i bagrapim tru sain bod bilong skul. Dispela maket i bin pas long long taim bilong polio kempen long Nesenel Kepital Distrik (NCD). *Poto: Benorah Carrie Hesehing*

Sir Arnold stretim tok long sosel midia

James G. Kila i raitim

BIPO gavana bilong Madang na foma Sif Jastis Sir Arnold Amet i tokaut klia olsem wanpela post o tok-tok we i bin kamap long sosel midia Facebook we i tok em i bagarap Madang Open Memba Bryan Kramer, em i no trupela toktok.

Dispela tok long Facebook i tok, Sir Arnold i no laikim lidasip stail o pasin bilong Mista Kramer.

Em i tok em i no mekim dispela ol toktok long sosel midia.

Em i tok klia long Tok Aut, Tok Stret Program long NBC Redio Madang long las wiken olsem em i no pasin bilong em long bagarapim ol narapela man o lida, na tu em i no gat as long em i mekim kain tok olsem.

Em i tok em i save gut long Kramer na em i gat bikpela rispek na spot long em.

Sir Arnold i tok em i no gat tu bel nogut o kros long wanem man i mekim dispela kain pasin na em i lusim asua bilong em.

Sir Arnold i askim em long em i no ken mekim kain pasin long wanem em i no guppela.



Sir Arnold Amet, bipo gavana bilong Madang.

No gat guppela rekot bilong wokim plen

Benorah Carrie Hesehing i raitim

HEVI bilong no gat guppela rekot long namba bilong ol manmeri long kantri i givim hat taim tumas long Nesenel Plening long wokim plen bilong kamapim ol kain kain senis.

Pastaim Minista bilong Nesenel Plening, Richard Maru i mekim dispela tok long nupela Minista, Sam Basil.

"Mipela i bin painim hat tumas long mekim ol disisen bilong plening bikos mipela i no inap long kisim guppela data.

"Data em wanpela bikpela samting Minista yu mas lukluk long en na kamapim senis," em i tok.

Mista Maru i salensim Sam Basil long wokbung wantaim ol memba na distrik na kamapim

guppela sensus long mun Julai 2020.

"Dispela projek i gat K200 milien baset na i gat sampela mani i stap long skruim projek.

"Em i nau wok bilong yu long kamapim guppela sensus. Mi bai sapatim yu tasol yu mas save olsem gavman tasol i no inap long skruim dispela projek.

"I no planti ol arapela patna i stap we yu inap wok wantaim long kamapim dispela wok," em i tok.

Mista Basil i tok long taim ol i holim dispela opis long yia 2011, i no olgeta grup i laikim rekot i kam long 2010 sensus.

Em i tok ol bai putim wanpela guppela hetman long Nesenel Statistikal Opis (NSO) na yusim gut K200 milien baset na kisim guppela data bai dispela mani i no ken lus nating.



Ol tisa bilong Haku Konstituensi i mas wantaim plak bilong ol. Poto Augustine Sarughu

Bogenvil tisa amamasim Tisa De

Augustine Sarughu i raitim

OL KATOLIK tisa long Bogenvil i amamasim Tisa De wantaim stail.

Ol i kam long olgeta hap bilong ailan na bung long amamasim de.

Wantaim het tok "Catholic Educators called to holiness for a better peaceful Bougainville," ol tisa i laik lukim olsem ol i mekim gut wok bilong ol.

Long Fraide 17 Me, olgeta skul insait long Bogenvil daiosis i bin bung long Hahela long selebretim nesenel Ka-

tolik Tisa De.

Stat long Buka dineri na i go olsem long No-Is dineri, Sentral, Sautwas na Westkos i bin amamasim dispela de long ol skul bilong ol yet.

Olgeta skul insait long Buka dineri i bin selebretim dispela bikipela de long Hahela Pro Katidral we Bisop Bernard Unabali i bin go pas long Misa.

Bihain long Misa i bin gat ol toktok i kam long lidaman olsem Thomas Raivet na ol narapela moa ol lida wantaim Katolik Edukesen Seketeri insait long Daiosis bilong Bo-

genvil, Ephraim Samuel.

Mista Samuel i bin mekim raun i go na bungim ol skul i satp long Not na Sentral insait long Atonamus Rijon bilong Bogenvil, dispela wokabout em i bin mekim i go em bilong givim apdet na tok-save gen long ol tisa long ol i mas baim ejensi fi.

Em i givim dispela toksave bihain long em i lukim olsem planti skul i no stap gut.

Em i go lukim ol skul long Arawa distrik na i toktok wantaim John Narebo, hetman bilong edukesen opis long distrik long dispela hevi.

Holi Spirit haiskul pas bikos no gat mani

James G. Kila i raitim

HOLI Spirit Katolik Haiskul long long Bogia, Madang provins i pas klostu wanpela tem olgeta bihain long em i no gat mani long mekim wok.

Dispela long wanem tuisen fi fri (TFF) mani gavman i givim i no inap long lukautim skul.

Long dispela taim moa long 900 ol sumatin i go bek long ples na stap nating wantaim papamama.

Wantok Niuspepa i traime long toktok wantaim Edukesen Dairekta long Madang, Moses Sariki na Prinsipal bilong Holi Spirit Haiskul long kisim toktok bilong ol long dispela tasol em i no bin inap long kisim.

Skul i rausim ol sumatin long namba foa na faiv wik yet bilong Tem Wan, long wanem skul i bin bungim sampela hevi, na inap long displa taim skul i stap pas yet.

Wanpela papa bilong sumatin bilong Simbai insait long Midel Ramu distrik, i tok tupela pikinini bilong em wantaim i mekim Gret 11 long dispela skul, na nau tupela i stap nating na hevi i gat long edukesen na bihain taim bilong ol.

Em i tok em i wari olsem tupela pikinini bilong em i stap nating na i askim ol edukesen atoriti long Madang long painim sampela rot long helpim dispela skul long wanem kain hevi em i gat na stopim ol klas long namel long tem wan yet.

Tasol Mista Asai i tok em i bin toktok wantaim Deputi Prinsipal long Tunde na em i bin tokim em olsem, hevi bilong skul em i bikipela na skul bai pas yet inap long sampe-

la taim. Edvaisa bilong PNG Tising Sevises Komisnin (PNGTSC) long Momase Region, Joseph Ouyoumb i tok, planti

skul insait long rijon na tu kantri olgeta, i painim hat tru long ranim o mekim ol wok bilong ol, long wanem ol i sot long mani.

Mista Ouyoumb i mekim dispela toktok las wik taim em i toktok long hevi blong Holi Spiriti Haiskul insait long Bogia District bikos long hevi bilong wara.

Mista Sariki i tok em i no ting dispela hevi bilong Holy Spirit bai pinis hariap long wanem skul i nogat mani.

Mista Ouyoumb i tok dispela fri edukesen polisi bilong gavman i givim planti hevi long ol skul long sait bilong mani, long wanem mani we gavman i save givim aninit long dispela polisi em i no inap long lukautim olgeta wok bilong ol skul.

Em i tok olsem kain hevi olsem Holi Spirit Haiskul nau i bungim, em skul yet i ken stretim sapos em i gat mani.

Tupela seilaman salensim Madang sumatin

James G. Kila i raitim

TUPELA long-taim seilaman bilong Amele long Saut Ambenob LLG long Madang provins i salensim ol sumatin bilong 'Wali kantri' (Amele) long skul gut na kamap gupela manmeri long bihain taim.

Ol i askim ol yangpela long i no ken tingting long kontena yawa, spak na tingting long marit hariap.

Dispela tupela seila man Guyu Yeges na Maskel Kandikum i bin wok planti yia long solwara long ol sip we i save ran long solwara bilong PNG.

Ol i lukim olsem stat long yia 2000 na kam olsem no gat planti sumatin bilong Amele i go long bikipela

skul, koles o yunivesiti na go winim bikipela posisen long wok long gavman o kampani. Nogat stret.

Kandikum i tok olsem tude long Saut Ambenob eria pasin bilong dring yawa (homburu) we i mekim ol sumatin i no tingting tumas long skul na edukesen bilong ol.

Ol i save pinisim tasol Gret 8 o Gret 10 na hariap tru laik marit na dispela i stopim edukesen bilong ol.

Em i tok ol papamama long ples i mas stat tu long tingting tu long sevim mani bilong ol pikinini taim ol i stap long praimer skul.

Dispela bai helpim long bihain taim ol pikinini i go long bikipela skul olsem koles na yunivesiti.



Tupela seila na kru bilong wok sip bilong Ramu NiCo (MCC) Maskel Kandikum (Ilephan) na Guyu Yeges i lusim Basamuk be na seil i go long Madang antap long MV Carrie. Poto: James G. Kila

PNG Phones Against Corruption
SMS 16321
It's FREE
It's ANONYMOUS

An initiative of GoPNG and UNDP supported by the UNDP-Australian Government Asia Pacific partnership on Anti-Corruption for Peaceful and Inclusive Societies.

PHONES AGAINST CORRUPTION

Combating corruption is everyone's business

Report corruption by texting Digicel# 16321

Do not let corruption stop the development of Papua New Guinea

Department of Finance Internal Audit & Compliance Division
Phone: 79986000 Extension: 8206
www.phonesagainstcorruption.org

Say "NO" to Corruption!

Text 16321

- > Simple
- > Free SMS
- > Anonymous

Save long mak bilong spak na helpim narapela

Nigel Akuani i raitim

OL GRET 12 sumatin bilong St Joseph Intenesel Katolik Skul long Pot Mosbi i bin go raun long Nesenel Brodkasting Kopresen (NBC) na i givim toktok long hevi bilong ol manmeri husat i toktok.

Ol i tok dring na spak o pasin bilong pas long ol arapela samting no-gut i no gutpela laip, na ol manmeri i mas stap longwe long dispela ol samting.

Ol i kamap na givim toktok long taim pasin bilong spak i wok long kamap bikpela we planti bilong dispela ol lain em ol yangpela manmeri.

Ol sumatin husat i kisim sampela gutpela skul tok long rot bilong stap i toktok long redio long ol yangpela long abrusim kain sindaun olsem.

"Bikos sampela lain i dring na spak, ol i wok long ting olsem ol bai stap long strong bilong kain samting olsem,"

Rozario Willy i tok.

Minnie Tamarua i givim piksa long ol lain husat i stap long kain laip olsem.

"Long dispela ol taim, wantaim senis long teknoloji, arere long pasin bilong spak, ol manmeri i pas long lukluk tasol long mobail bilong ol tasol."

Narapela sumatin, Robertha Pero i tok bikos long kain senis, planti ol yangpela i pas long kain kain samting, planti em ol nogut long stap bilong ol.

Nathaniel Ovia i tok bikos long kain ol hevi, long ol pikinini i kamap long gutpela famili, dispela i bikpela samting.

Em i tok pasin bilong spak i ken kamapim planti hevi long bodi, tingting na spirit bilong manmeri.

"Sapos yu kamap long gutpela famili, dispela bai helpim yu long rot bilong stap gut longpela taim," em i tok.

"Dispela bai helpim yu long rot bilong mekim di-

sisen na bilong stap.

Wanpela sumatin John Numapo i askim ol manmeri long go long skul na kisim skul long rot bilong stap na long rot bilong abrusim kain samting olsem.

Misis Roddy Abady i tok ol sumatin i toktok gut long redio bikos ol tisa i skulim ol long wanem samting ol bai toktok long en.



Ol sumatin bilong St Joseph Intenesel Skul long Pot Mosbi i stap insait long Nesenel Brodkasting Kopresen opis. Foto: CBC

Madang polis askim kalt lida long go lukim ol

POLIS long Madang provins i askim lida bilong dispela grup we i save raun bagarapim ol pipel long Trans Gogol na Saut Ambenob long Madang distrik long kamaut na givim em yet long polis.

Madang provinsal polis komanda (PPC), Superintendent Ben Neneo i bin givim taim olsem 19 Me i de em dispela ring lida i mas kamaut.

Dispela de i go pinis na polis nau i redi long go insait long hap em i stap na kisim em.

Dispela man em Renof Gala bilong Amele long Saut Ambenob.

Polis i tok dispela man husat i save raun bagarapim ol pipel bilong Transgogol na Saut Ambenob i no kam aut yet, maski ol i putim aut toksave na askim em long givim em yet long han bilong lo.

Mista Neneo, i no stap long provins long givim ripot long ol wok we ol i mekim long dispela taim.

Tasol wanpela senia polis opisa i tok long Mande moning olsem, ol wok i go het yet tasol i no gat toktok i kam yet long ol komyuniti lida o famili bilong dispela man wantaim lain bilong em

sapos ol bai givim ol yet long han bilong polis.

Em i tripela de i pinis nau bihain long dispela toksave we PPC i givim long dispela ring lida wantaim ol lain bilong em long givim ol yet long polis.

Wanpela komyuniti lida bilong Transgogol eria i singaut long Renof Gala wantaim lain bilong em long hariap givim ol yet long han bilong polis.

Morris Bann, husat tu i bin olpela presiden bilong Transgogol lokal level gavman, i askim tu Renof Gala long las wiken insait long wanpela toktok long NBC Madang.

Em i tok Renof wantaim ol poroman bilong em, i no ken mekim wok bilong polis i hat long painim ol, long wanem dispela i ken kamapim ol narapela hevi insait long komuniti, we bai bagarapim sidaun bilong ol pipel.

Bann i tok tu olsem, sapos ol i pret long go stret long polis na tokaut, ol i ken go lukim ol komuniti lida bilong ol na bai helpim ol.

Long wankain taim tu, em i tok ol dispela mangi i no ken pret long polis na ranawe.

DOUBLE DATA

Sabskrab lo wanpela **bmobile** data plan tete, na kisim **DOUBLE DATA FREE!**

Hariap, displa double data ofa bai stap inap long liklik taim tasol!

76003555/1555 or for 4GLTE call 1500

connect@bmobile.com.pg

facebook.com/Bmobile4GLTE

www.bmobile.com.pg

4G LTE

EHP sainim helt patnasip program agrimen

Laipstail bilong PNG i kamapim sik long lewa

Rebecca Negere i raitim

ISTEN Hailans em i wanpela bikpela provins long kantri, olsem na sapos gavman i laik bringim ol sevis i go long olgeta hap bilong provins, em bai mekim bikpela wok.

Tru olsem gavman i ken bringim sevis i go long sampela hap we rot bilong kar i ken go long en.

Tasol planti ol arapela hap em gavman bai i no inap i go long en, long wanem, hevi bilong ol liklik han rot i mekim na sevis bai hat long go.

Helt em i wanpela long ol dispela sevis we planti ol manmeri na pikinini bai laikim tru insait long 8-pela distrik long provins.

Olsem na lukluk long dispela ol hevi we ol sevis bai i no inap i go long sampela ol hap long provins, gavman i laik wok patnasip wantaim ol non-gavman ogenaesen (NGO) grup we ol i ken helpim gavman long surukim na bringim sevis i go long ol eria we em i hat long bringim sevis i go.

Long dispela tingting foapela NGO grup em Marie

Stopes PNG, CARE International, Salvation Army na Barola Haus Mama i kisim luksave long Isten Hailans Provinsol Helt Atoriti (EHPHA) we ol i sainim agrimen (MoA) i no long taim i go pinis long wok wantaim long bringim sevis i go daun long ol pipel.

Long taim bilong saining MoA, Sif Eksekutiv Opisa bilong EHPHA, Dokta Joseph Apa i tok, dispela tingting bilong wok wantaim em i bikpela samting tru, long wanem, taim gavman na ol NGO grup i wanbel long wok wantaim long bringim sevis i go daun long ol pipel, em i gutpela, bikos sampela hap gavman i no inap i go, em ol wok manmeri bilong ol NGO grup i gat dispela rot bilong go long ol.

"Mipela husat i wok o grup i volutia long helpim mipela long surukim wok bilong sevis diliveri i go long ol ples we mipela i no inap i go long em," Dokta Apa i tok.

Dispela em i rot bilong gavman long skruim wok i go



Sif Eksekutiv Opisa bilong Isten Hailans Provinsol Helt Atoriti Dokta Joseph Apa na Sevis Diliveri Dairekta bilong Marie Stopes PNG Loretta Bele i sainim agrimen (MoA) long wok wantaim long bringim sevis i go daun long ol pipel long 8-pela distrik bilong Isten Hailans provins. Foto: Sape Metta

moa na NGO long wok wantaim long bringim sevis i go long ol pipel", Dr Apa i tok.

Em i tok planti ol arapela bikpela intanesenel ogenaesen i wok long soim bikpela

laik long kamap na sapatim wok bilong helt sevis long provins.

"Sapos ol i kamap na wok wantaim EHPHA long sevis deliveri, em bai bringim

provins i go antap long narapela level," em i tok.

"Ol pipel long provins bai i ken amamas long kisim gutpela sevis we ol bai kisim gutpela samting long en."

OL intenesenel dokta long India i bin stretim 50 sikman husat i gat sik bilong lewa long Pacific Intenesenel Haus sik long stat bilong mun Me.

Wanpela famili bilong wanpela sikman i askim ol dispela dokta long wanpela pres konpres bipo long ol i lusim PNG olsem, "Bilong wanem na ol sikman i gat sik long lewa bilong ol."

Wanpela dokta bilong lewa, Dokta Vishal Gupta i bekim tok olsem, " Ol pipel bilong Papua Nuigini i helti. Ol i lain bilong wokabout na mekim wok long olgeta de na i no gat as long ol bai kisim sik long lewa bilong ol. Tasol pasin bilong ol yet long kaikai buai, smok na dring bia tasol i save mekim ol long kisim ol dispela sik bilong lewa."

"Ol i save kolim ol dispela sik olsem laipstail sik." Dokta Gupta i tok.

Wikipedia long intanet, i tokaut olsem laipstail sik em ol sik we i save kamap long pasin bilong ol man meri. Na bikpela hap we sik i save kamap long lewa bilong man em taim ol i no kisim bia, drag na smok long mak na taim ol i no mekim ekksesais. Taim ol i abrusim mak bilong dring bia, kisim drak na smok na ol i no ekksesais, ol i bai kisim sik long lewa.

Ol Hailans PHA laikim sapat bilong risos kampani

Benorah Carrie Hesehing i raitim

OL Provinsal Helt Atoriti (PHA) long Hailans rijon i laikim sapat bilong ol risos kampani long mekim gutpela kempen bilong sik misels, rubela na polio long mun Jun, 2019.

Ol Sif Eksekutiv Opisa

(CEO) bilong ol Hailans PHA i bin mekim dispela tok long bung bilong ol CEO long Pot Mosbi las wik . Ol i askim ol opisa i go pas long kempen long toktok long ol Gavana na risos kampani long Hailans provins long sapatim ol bai ol inap long go long olgeta komyuniti na givim sut long olgeta pikinini.

Dokta Betty Koka, Dairekta bilong Pablik Helt long Enga PHA husat i makim ol i tok prais bilong baim helikpota long karim ol sut, sut marasin na heltwoka i go long ol komyuniti em K9, 500 long wanpela aua na i hat tumas long PHA long baim long mani bilong em yet.

"Mipela i laik ol opisa lu-

kautim dispela kempen hia long Helt Dipatmen long toktok wantaim ol risos indastri long ol Hailans provins, bai ol i ken lukim dispela olsem em wok bilong ol tu long givim risos na sapatim kempen bilong helpim ol pikinini i stap long ol provins ol i wokim bisnis long en," em i tok.

Em i tok ol i toktok long ol dispela risos kampani long mak bilong ol long provins tasol i no kisim gutpela bekim. Ol i laikim Dipatmen long mekim dispela wok na tu toktok long ol Gavana bai ol i ken givim inap sapat long ol heltwoka long provins long kamapim gutpela kempen.

Marasin saplai stap gut o nogat: Dokta Koka

Benorah Carrie Hesehing i raitim

MARASIN i save raun longpela rot tumas long Lae long Morobe provins na bihain i go long Hailans rijon na i gat bikpela sans long marasin i bagarap sapos i no gat gutpela bokis ais o kol ples long holim marasin i stap gut.

Dairekta bilong Pablik Helt long Enga Provinsal Helt Atoriti (EHPHA), Dokta Betty Koka i mekim dispela tok long bung bilong ol Dairekta, menesa na CEO long ol 22 PHA long kantri, las wik.

"Mipela i no inap save sapos dispela ol kar i gat gutpela bokis ais na kol ples bilong putim ol marasin saplai.

"Dispela i mekim mipela i paul sapos marasin na sut i gutpela yet long givim long ol pikinini o nogat," em i tok.

Dokta Deborah Bettel bilong UNICEF i bekim askim bilong em na i tok i gat wanpela liklik masin i stap we ol heltwoka inap yusim long sekim sapos marasin i stap gutpela yet o nogat.

Dokta Koka i tok dispela liklik masin i save wok long ba-

tri na ol Brian Bell stua tasol i save salim bateri bilong dispela liklik masin.

"Taim pawa bilong bateri i pinis na saplai bilong dispela bateri long Brian Bell tu i pinis, mipela mas wet inap nupela saplai i kam bai mipela i ken baim," em i tok.

Dokta Koka i askim Helt Dipatmen na ol arapela patna long helt sevis long kantri long givim gutpela sapat bai ol marasin saplai i ken stap gut i go inap ol helt fasiliti i kisim.

Em i tok Enga i save kisim marasin saplai bihain tru long olgeta Hailans provins. Em i tok sapos ol atoriti i givim gutpela sapat, em bai moa gutpela long ol marasin saplai bilong Enga long kamap long Wapenamanda ples balus bai ol Enga PHA i ken kisim long 20 minit tasol.

"Em i no gutpela long lusim nating ol risos long dispela sevis na kisim saplai bihain tru. Sapos ol marasin i bagarap, mipela bai givim nating sut na sut marasin long ol pikinini na bihain lukim olsem dispela ol sut i no inap i gat strong moa long banisim ol pikinini long kisim sik," Dokta Koka i tok.



Ol Sif Eksekutiv Opisa , Dairekta na ol Menesa long ol PHA i sindaun long misels-rubela na polio bung las wik. Foto: Benorah C Hesehing

UNFPA givim trening long famili plening

FAMILI plening em i no wok bilong ol meri tasol long mekim long taim ol mama na ol meri i tingting long spesim ol pikinini.

Tru olsem long ol yia ikam na i go, ol mama na ol meri i save kamap long klinik bilong

ol mama long kisim sku long stapim ol yet long karim ol pikinini klostu.

Dispela wok bilong famili plening em i suruk i go long sait bilong ol man.

Yunaitet Nesen Famili Plening Asosiesen

(UNFPA) i bin kamapim trening program long skulim ol man husat i wok long ol haus sik long Isten Hailans long mekim dispela wok bilong famili plening wantaim ol man.

Inap olsem 13 helt woka long 8-pela dis-

trik long Isten Hailans i bin kamap na patisipet o sindaun long dispela trening woksop.

As tingting bilong kamapim dispela trening em long skulim ol man long wok wantaim ol man long famili plening, bikos em i no gutpela

long ol meri i wok wantaim ol man long kamapim wok bilong famili plening.

Distrik Helt Menesa bilong Goroka distrik, Michael Muri husat i bin i go pas long dispela trening woksop i tok, sapos wanpela man i ting-

ting long pasim bel bilong em long kamapim pikinini na bai i no luk gut sapos ol nes meri i kamap na sevim em.

“Ol man i gat narapela samting long ol meri, olsem na mipela laik trenim ol man we ol bai i ken sevim ol man na

meri bai i ken i go het long sevim ol meri long famili plening”, Muri i tok.

Em i tok amamas long UNFPA husat i go pas long dispela woksop we i bin stat long Monde na pinis long Fraide long wik i go pinis.



Mama Helen Sase (lephan) na mama bilong em Ato Salome Avele i amamas na holim ol presen em ol pikinini na tumbuna bilong tupela i givim long en long Degiis Blok long Genoka Setelmen long Goroka, Isten Hailans. Foto: Sape Metta.

PNG Fashion and Design Week limited i helpim mama na yut long Samap na Maket wantaim

Rebecca Negere i raitim

PNG Fashion and Design week limited (PNGFDW) i ranim ol woksop bilong helpim ol mama long disainim klos i go olgeta long maketim ol dispela klos insait long PNG na long wol tu.

Projek Menesa bilong PNGFDW i tok “Mipela i no laik lainim ol mama na yut long disain na samap tasol na larim ol i go, nogat. Mi-

pela i laik helpim ol tu long maketim wanem prodak bilong ol insait long PNG na long wol tu long kisim mani na helpim famili na sindaun bilong ol yet.”

Faunda bilong PNGFDW, Janet Sios i tok olsem, “Mi amamas tru long sapot bilong gavman bilong Australia insait long dispela projek. Sapot bilong ol i helpim mipela long lainim ol mama na yut long disain na samap. Em i lainim ol tu long

maketim ol prodak bilong ol na helpim na sapotim ol long salim prodak bilong ol. Em i bikpela salens tasol mipela i gat laik long helpim.”

Em i tok, “Bikpela driman bilong mi em long lukim disain bilong Papua Niugini mas go kamap long ranwe bilong Nu Yok.”

Ol i ranim namba 3 trening bilong ol long Pot Mosbi we bai pinis long Sarere long dispe-la wik.



Janet Sios Faunda bilong PNGFDW.

Mama De selebresen kam gut long Goroka

Sape Metta i raitim

SANDE Me 12, 2019 em i de we planti ol mama bai i no inap lusim tingting long em, long wanem, em i de we ol i bin selebretim de bilong ol.

Long Degiis Blok long Genoka setelmen

long Goroka Isten Hailans, planti ol mama i bin i stap isi, long wanem, ol i no save tumas long mining bilong de bilong ol mama.

Tasol wanpela mama em Helen Sase na mama bilong en em Ato Salome Avele husat i gat 80 krismas.

Dispela de bilong ol mama long Sande em i narapela kain we i winim tru ol arapela de bilong ol mama we i kam na i go pinis.

Mama Helen i tok em i no lukim kain selebresen bilong de bilong ol mama long ol yia i kam na i go pinis.

“Mi i gat bikpela amamas long ol pikinini bilong en em Salome, Christina, Nase Paul, Mou, Bromkey, George na ol tumbuna bilong mi husat i bin kamap na selebret wantaim mi na mama bilong mi Ato long Sande,” Helen i tok.



Amamasim de bilong ol mama

I tru olsem i gat spesel dde bilong tingim ol mama, em namba tu Sande bilong mun Me. Tasol ol mama i ken tok olsem olgeta de em i de bilong ol mama. Ol save hatwok long lukautim famili, kukim kaikai, wasim klos, kisim ol pikinini i go skul na planti ol arapela wok we i no gat pe bilong en. Olsem na long makim dispela bikpela, planti famili i save baim spesel presen na givim mama bilong ol. Dispela poto i soim Jade na brata bilong em Julio Rongap i givim dispela naispela okid plawa long bubu mama bilong tupela long de bilong ol mama. Foto Don Niles.

Wara level long Sirinumu i wok go daun

Nicky Bernard i raitim

SIRINUMU wara i wok long go daun isi isi bi-hain long Pot Mosbi Siti i wok long go go bikpela na planti haus i wok long kamap.

Ol pipel bilong Sirinumu i i tok maski bikpela san long Sentral long NCD wara level i save stap antap taim no gat planti haus long

Mosbi. Ol tok nau Mosbi i go bikpela na planti ol haus i wok long kamap long olgeta kona bilong Mosbi na mekim saplai wara bilong kam daun long Mosbi i bikpela tru na mekim level bilong wara i no stap long level bilong bipo.

“Bipo wara level i save stap antap na planti ol liklik diwai nsait long wara save

hait na mipela save ranim moto bot antap, nau mipela save isi long wanem wara level i kam daun.” Wanpela ples man bilong Sirinumu i tok.

Em tok tu olsem mas ren save kam daun na helpim wara go bikpela tasol taim san i kamap wanpela wik wara level save go daun hariap.

Planti ol liklik maunt-

en wara i haitim i wok long kamap ples klia na taim ol ples laik i kalap long mota bot ol save lukluk gut na ranim moto bot bilong isi tru.

Ol tok sapos siti gro moa dispela mak bilong wara ol save lukim long bipo bai drop go daun moa yet na dispela bai kamap hevi long bihain.



Sirinumu dem wara long Sogeri maunten. Poto Nicky Bernard.



OLOMAN, MAN O TEWEL! Dispela Asaro mudmen i go pas long tupela bikpela Isten Hailans Provinsal Gavman opisa long bung ol “Mother’s Day” long Isten Hailans long las wik. Manmeri i laik lukim tupela opisa tasol Asaro mudmen I kamap pas long ol I lukim. Poto: Sape Metta.

Word Publishing Company Limited
 P. O. Box 1982, Boroko, NCD 111, PNG. Tel: (675) 325 2500 Fax: (675) 325 2579
 Email: circulation@wantokniuspepa.com. / word@wantokniuspepa.com.

Subscribe for your 2019 WANTOKNIUSPEPA now!!

All you have to do is fill in the form below and arrange for payment and we will dispatch your copy of the WANTOK to you each week. We publish the WANTOKNIUSPEPA 52 times a year.

AIRMAIL SUBSCRIPTION RATES (includes postage & handling)
 PNG K230.00, Australia/New Zealand US\$120.00, Asia/Pacific US\$150.00
 Rest of the World US\$210.00

NCD HOME DELIVERY

K 1.50 per copy by 52 weekly issues only at K78.00 per year.

Please send me _____ copy/copies of WANTOK for one year.

I enclose K..... as full payment. Payable to Word Publishing Company Bank
 Account No: 1000005380 with BANK OF SOUTH PACIFIC LIMITED, P.O.Box 1710;
 BOROKO BRANCH, NCD PNG. Swift Code: BOSPPGPM BSB Number: 088951;
 GORDONS BRANCH, NCD PNG.

Name _____
 Postal Address _____
 City _____
 State/Province _____
 Country _____ Zip/Postal Code _____
 Street Address _____
 Telephone _____ Fax _____
 Email _____
 Signed _____ Date _____

Publisher of The **WANTOK**
 Niuspapa Bilong Yumi ol PNG Stret!

Today
 Montly English paper

OL ICT SME laikim gavman sapot

Benorah Carrie Heseh- ing i raitim

OL local Smol Mediem Entaprais (SME) long Infomesen Komyunikesen Teknoloji long kantri i laikim gavman i mas tingim ol tu na kamapim ol samting we inap long kamap bikpela.

Sampela bilong ol samting i holim bek ol SME em prais bilong intanet senis i antap tumas, i no gat hap

bilong kisim sapot long skruim wok na ol arapela.

Nancy Lai Bisnis Diverlopmen Dairekta bilong PNGHome Task i tok i gat planti salens tru long kamapim wanpela ICT SME long kantri.

PNGHome Task i stap strong olsem wanpela ICT SME bikos em i winim fanding ausait.


PNGHome Task i save givim sevis long helpim ol lain husat i gat save

long mekim ol kain kain wok tasol i no gat sans long kisim pepa bilong ol na givim long ol bisnis na kampani taim ol i laikim wokman hariap.

“Mipela i givim ol sevis olsem, sapos yu laikim wanpela teknisen long stretim pawa long nait o ol arapela imejensi wok, mipela i ken helpim yu long kisim wokman na i kam givim sevis long haus dua,” em i tok.



LOKAL ICT SME. PNG Home Task em anpela lokal Infomesen Komyunikesen Teknoloji (ICT) SME we i bin stap insait long ICT Ekspo las wik. Praim Minista Peter O’Neill i bin amamas tru long lukim wanpela local ICT SME inap givim gutpela sevis long ol pipel long kantri. Poto: PNG Home Task



WANTOK

NIUSPEPA BILONG YUMI OL PAPUA NIUGINI STRET

WANTOK I GO LONG PLES!!!!

Tok Pisin Niuspepa bilong yumi stret



.."As one of the International NGOs that work in remote rural districts of PNG, we distribute Wantok newspapers to community members that we visit or work with in Menyamya and Obura Wonenara District.

I would like to share this picture to show the significance of how PNG's only *Tok Pisin* newspaper is reaching communities in very remote communities but more importantly women and girls in this remote villages are reading this newspaper.

This picture(s) of this young woman from Tamoi village, Wapi LLG were taken from my recent distribution of *Wantok* in Menyamya District, Morobe Province.

Well done *Wantok* newspaper!"

- Charles Iha | CARE International in PNGI Country Office | GOROKA EHP 441



Do you know that there is a Tok Pisin newspaper published each week here in Papua New Guinea?

Currently, our pilots have the joy to hand out a Wantok newspaper or two at the remote villages they serve.

The people are so happy to receive a newspaper and getting some news from all around the country.

Recently stories about MAF's work also get printed, which we are really thankful for!

Thank you, Wantok, for telling about MAF's work and supplying us with a stack of newspapers each week to distribute in the remote communities!

(MAF Papua New Guinea Facebook page)

This is what came back from Sally Lloyd, an Australian lady living and working in Mougulu:

"At Mougulu . Our people were very excited to read a newspaper - something many of them have never done before! Here a health worker catches up on news. Thanks MAF and Wantok. Hopefully our school students will benefit from this also".



MAF brings Wantok Niuspepa to remote areas of WHP, Simbu, Jiwaka, Enga, Hela, Western, EHP, Madang, Morobe, East & West Sepik provinces.

Wantok Komentri

Yumi gat wok long lukautim gut envairomen bilong yumi



Askim bilong ol bagarap em klaimet senis i wok long kamapim i bikpela tru nau.

Tude, olgeta kantri long wol i wok long wari long bikpela bagarap tru klaimet senis i wok long kamapim. Ol i laik ol gavman long wan wan kantri long wol i mas stopim pasin bilong kamapim ol smok nogut, ol posin gas na ol arapela samting i save kamapim bagarap. Planti ol dispela poisin gas em ol faktori na ol kain samting olsem koul (coal) i save kamapim. Dispela ol gas nogut ol i kolim ol grin haus gas i wok long bagarapim karamap antap long skai i stopim hat bilong san long kamap strong tumas na bagarapim ol samting na kamapim senis long klaimet Tude, ol ais long not pol i wok long bruk na kamap wara. Solwara i wok long kamap bikpela na bagarapim ol liklik ailan. Long sampela ailan ples i bagarap na ol pipel i no inap stap moa, ol i mas lusim ailan ples bilong ol na mov i go long narapela hap.

Hia long PNG yumi lukim eksampel bilong ol Catarets ailan long Bogenvil. Planti i ples arere lng nambis i lukim solwara i brukim gaun na mekim ples i no seif moa na ol pipel i mas mov i go wokim haus bilong ol long ples long-gwe long nambis.

Las wik, o lida bilong ol ailan kantri i bin bung long bikpela miting bilong ol, Pasifik Ailan Forum. Dispela miting i bin kamap long Fiji na seketeri jeneral bilong Yunaitet Nesens (UN) i bin go long dispela kibung bilong ol lida bilong rijon.

Wanpela bikpela tokok i bin kamap long ol salens planti ailan kantri i bungim nau long ol hevi klaimet senis i save kamapim. Na em i tok wanpela risen em i bin kam long dispela bung bilong Pasifik Forum em bikos em i laik lukim ol bagarap klaimet senis i kamapim long ol ailan kantri.

Em i tok UN i amamas long lukim olsem ol kantri long Pasifik i wok long traim save bilong ol yet long stopim ol bagarap em klaimet senis i save kamapim. Gavman bilong ol ailan kantri i wok wantaim ol NGO na ol manmeri long

komyuniti long givim toksave long pablik long lukautim gu bus graun na wara. Stopim pasin bilong katim nabaut ol diwai sapos yumi katim, orait yumi planim bek narapela diwai long kisim ples. Pasin bilong tromoi nating ol plastik i save kamapim bikpela bagarap long ol wara na solwara. Ol plastik i wok long bagarapim ol pis, na trausel na ol arapela enimal bilong solwara.

I gat planti manmeri nau na populesen i wok long gro bikpela long olgeta yia. Sapos yumi wan wan i tingting long bihain taim bilong PNG na laip bilong ol tumbuna bilong yumi, ating bai yumi stopim sampela bilong ol dis-

pela pasin bilong bagarapim ples. Yumi katim bus na ol diwai long wokim gaden, orait yumi stretim gen bai ol nupela diwai i ken kamap bihain. Long taim yumi painim pis o abus long bus, mobeta yumi kisim long skel bilong wanpela de na larim ol narapela i stap long bihain taim. Ol tumbuna bilong yumi i gat ol gutpela pasin bilong lukautim bus graun na wara bilong yumi. Olsem na mobeta yumi i bihainim ol dispela gupela pasin tu.

Long mun Jun, bai yumi makim Wol Envairomen De. I save gat planti ol awenes na skul i kamap long ol pablik ples long tingim dispela impoten de. Em i de bilong tingim ol bus graun

wara na ol enimal i stap long ol dispela hap. Em i taim bilong yumi wan wan tu long skelim yumi yet na lukim sapos yumi bihainim gutpela pasin bilong lukautim envairomen bilong yumi o nogat.

Bikpela toksave long yumi wan wan em i olsem - olgeta de long laip bilong yumi em i envairomen de. Wanem samting yumi mekim long ples yumi stap long en o wok yumi save mekim, i save gat gutpela na nogut long envairomen bilong yumi. Yumi tingim dispela na skulim ol pikinini bilong yumi tu na ating ples bilong yumi bai inap bungim ol salens yumi lukim i wok long kamap tude.

Westen Provins Skul lainim rot bilong lukautim pikinini

MOA long 500 sumatin, tisa na ol papamama i bin lainim namba wan hap infomesen bilong raits bilong ol pikinini ol memba bilong ol Westen Provinsel Juvenail Jastis Komiti (PJJ) i bin go lukim Monfort Praimeri Skul insait long Kiunga wok bung wantaim Dipatmen ov Jastis na Atoni Jenerel.

Dispela raun bilong ol em hap bilong program long developim wantaim sapot bilong ol Komiti long promotim na kamapim juvenail jastis sevis i go long olgeta hap bi-

long Westen Provins. Ol i mekim klia awenes long raits bilong pikinini na stopim ol long sait bilong smok mariwana na dring bia.

Westen Provins Deputy Provinsel Edministreta-Operesen, Rupert Tabua, i tok ol provins i gat "bikpela namba bilong ol yut i save lusim skul long olgeta yia." Dispela wankain toktok em Juvenail Jastis Opisa Rueben Paulus i bin skulim ol pikinini long nogut bilong bia na mariwana i save bagarapim planti laip yangpela yut namel long

krismas bilong 15 i go 18.

Monfort Praimeri Skul Prinsipal, Pancratius Lawrence i bin wok bung wantaim Mista Paulua na tim bilong em long mekim moa awenes.

Em i tok dispela wok bilong ol Komiti i bin mekim ol sumatin long save long rait na wok bilong ol. Gret seven tisa Tabitha Yarugop i tok em givim em na ol arapela tisa wantaim infomesen long helpim ol lukautim ol pikinini kam antap long lainim lo olsem ofenda, vitim na witnes.

Ol Westen PJJ i bin kisim sapot long Australia Gavman wantaim PNGAusPatnasip long moa kodinet na kamapim juvenail jastis sevis insait long provins.

Dispela em wanpela bilong ol sevenpela komiti i bin kamap long sikispela provins na Bogenvil long helpim long kamapim dispela Juvenail Jastis Ekt 2014 na ol Juvenail Jastis Nesenel Plen 2018-2022.

Stat Senis long kisim Bel isi

"Stopim Woa em wok i nidim ol lain long mekim wantaim na mipela bai tokaut long DPCW insait long UN Jenerel Asembli long September"

Dispela DPCW em wanpela ripot pepa ol Intenesenel Lo Bel is Komiti i bin mekim, i gat ol intenesenel lo insait. Ful opisal nem bilong ol em Declaration ov Bel Isi na Stopim Olgeta Woa. As tingting bilong DPCW em bikos wol i gat nupela sistem bi-

long intenesenel lo em bikos DPCW i laik stopim ol bikpela woa.

Insait long las seven yia stat long Me 2012, Siaman Man Hee Lee bilong HWPL i bin go aut long wol 30 taim na lukim moa 100 kantri bilong stopim ol woa na mekim wol bel isi. Taim ol selebretim namba tri Komemoresen bilong ol DPCW, ol i askim em long ol bel isi piksa long HWPL Bel isi Institut insait long Gae-wol i gat nupela sistem bi-



Long ripot bilong Siaman Man Lee ov Hevely Kalsa, Wol Bel isi, Restoresen ov Lait (HWPL) Siaman Man Hee Lee BILONG HWPL i bin go long olgeta hap bilong wol 30 taim na lukim moa long 100 kantri insait long las seven yia long stopim ol woa na kamapim wol bel isi. (Poto HWPL)

Sapos yu gat sampela toktok o tingting, yu ken salim sms teks i kam long dispela digicel namba: 71845906 na bai mipela i putim long niuspepa.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579 Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K 230.00
AUSTRALIA	US\$120.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Editor Frieda Sila Kana

Printed and Published at: Dove Travel Building, Level 2, Section 24, Lot 25, Angau Drive/ Lahara Avenue Junction, Boroko

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Lukautim famili gut, Pasto tok

Paulus Tali i raitim

FAMILI i bikpela samting na wok bilong papamama long skulim gut pikinini, wanpela Evanjelikal Luteran Sios (ELC) senia pasto i tok.

Pasto Jack Gagara, Dairekta bilong Sosel Kaunseling long ELC het opis long Lae, Morobe Provins i tok.

Em i tok i gat bikpela salens long kamapim gutpela famili bikos kain kain traim i pulim tingting bilong pa-

pamama na ol pikinini i go longwe long sindaun na toktok gut.

Em i mekim dispela tok long wanpela famili kaunseling woksop long Lae long las wik.

Dispela woksop i stat long Mande na pinis long Fraide.

“Tok tru i laip, na Jisas yet i tok tru. Yu i save long wei bilong stap taim yu pas wantaim Jisas,” Pasto Jack i tok.

“Baibel i gat olgeta tok bi-

long God na Jisas.

“Yu mas stap wantaim Holi Spirit long givim yu tingting na soim yu rot bilong mekim wok bilong yu.”

Ritaia bisop Reveren Yana Apo bilong Yabim Distrik i tok stap bilong komyuniti i save soim piksa bilong kain famili i stap.

Em i tok sapos famili i no gat luksave long God, orait God i no inap subim em yet i go long ol tasol i opim hana i redi long kisim ol.

Em i askim ol manmeri

olsem wantaim Holi Spirit, ol inap skruim save ol i kisim long woksop.

Program kodineta Gewabing Sisa i tok tenkyu long ol manmeri na ol sios lida husat i kamap long woksop.

Em i tok woksop i tokaut tu long plen bilong distrik we ol toktok i pas wantaim tingting bilong Visen 2020.

Ol tok i stap long wok bilong helt, edukesen na long sait bilong ikonomik, sosel, spirituel, fisikol na intelektuel samting.



OL BAI SAVE YU DISAIPEL BILONG JISAS

Las Sande, 19 Me 2019 mi bin wokim tupelo santu Misa. Namba wan Misa mi selebretim long Sacred Heart Faniyufa, wanpela austesin bilong St. Mary's Peris long Goroka. Namba tu Misa mi selebretim long mein Stesin, long St. Mary's Goroka taun.

Mi bin serim wankain stori long dispela tupela ples. Mi invaitim ol manmeri long tingim, olsem wanem ol i bin kamap Kristen. Mi tokim olgeta olsem, yumi kamap Katolik long kain kain rot. Sampela mama i karim long Katolik famili, sampela bilonmg narapela sios o religion na bihain ol i kamap Katolik. Sampela lain i bin stap long narapela Lotu, taim ol i laik kamap Katolik, ol i bin bungim salens long papa mama bilong ol yet.

Mi stori long wanpela Islam Famili bilong Indonesia. I gat tripela pikinini. Olgeta i bin go skul long Katolik Skul na ol i bin lainim planti gutpela save na ol i bin lainim Gut na save Gut long Katolik Sios. Olsem na tupela brata i tokim papa mama bilong ol olsem ol i laik kisim Baptais na kamap Katolik. Mama i no mekim wanpela toktok. Papa tasol i tok strong na tambuim tupela long kamap Katolik.

Tasol tupela i no surik na givap. Tupela i wok long bihainim skul bilong Katekumen inap long wanpela yia. Na long Ista nait long yia 2010, tupela i kisim Baptais na i kamap Katolik.

Bihain long kisim Baptais long Ista nait, tupela i go bek na i laik selebretim wantaim famili. Tasol taim tupela i kamap long haus, Papa i sindaun na weitim tupela. Taim tupelo i go insait long haus wantaim bikpela amamas na naispela smail, ol i lukim papa i sindaun na lukluk strong long tupelo na krosim tupela stret.

“Mi tokim yupela pinis. No ken kamap Katolik. Yumi mas stap long Islam tasol. Bilong wanem yutupela i no harim tok bilong mi?,” Papa i krosim tupela. Na bihain papa i tokim tupela olsem; “Bikos yutupela i bikhet na i no harim tok bilong mi, nau tasol mi tokim yutupela, pekim olgeta klos bilong yu na go aut long haus bilong mi tunait tasol”.

Em i no laik harim bekim bilong pikinini bilong em moa. Em i go long rum na siangaut gen, “yutupela i mas go aut nau bipo long 12 klok.”

Tupela brata i no laik bekim toktok bilong papa. Tupela i go long rum bilong tupela, bungim ol klos bilong ol na tok gutbai long papa na i wokabaut lusim haus. Ol i go na stap long lodge/haus pasindia na bihain tupela i wokim haus bilong ol yet na stap long haus bilong ol wan wan.

Maski papa i krosim tupela, tasol, olgeta taim ol i kisim pe long fotnait, ol i save salim moni i go long papa na baim sampela kaikai bilong papa bilong ol. Ol i wokim dispela pasin olgeta mun.

Long yia 2016, papa bilong ol i kisim bikpela sik tru. Taim tupela i harim, tupela i go lukim papa bilong ol na bringim wantaim praivat dokta bilong ol long sekim na givim marasin long papa.

Taim tupela i kamap wantaim praivet dokta bilong ol, Papa i lukim na i kraik sori tru. Na papa i tok: “Mi, papa bilong yutupela. Mi amamas na praud bikos yutupela i bin kamap Katolik. Mi bin tambuim yututpela tasol nau mi sori. Mi praud long yutupela bikos yutupela i kamap Disaipel bilong Jisas na yupela i bihainim Jisas stret long soim LAIKIM pasin bilong yutupela. Maski mi kros na rausim yutupela long haus, tasol LAIKIM PASIN BILONG JISAS i stap pas insait long yutupela na yupela i serim dispela long mi; long mani na kaikai yupela i save salim olgeta fotnait bilong yutuepal. Na moa moa yet, tude yutupela i kam wantaim dokta bilong yutupela long helpim mi gen.

Manmeri bilong Jisas i save mekim gut long olgeta manmeri. Ol i nogat birua long laip bilong ol.



Ol manmeri i kisim komunio long Pasto Jack Gagara long lotu bihain long woksop. Foto: Timon Henry

Bisop amamas long bilip bilong manmeri

Timon Henry i raitim

PLANTI manmeri long Hela i kamap na i amamas long lotu wantaim Apostolik Nunsio Asbisop Kurian Mathew Vayalunkal i no long taim i go pinis.

Ol manmeri i laik harim tok bilong em na i laik lukim em tu olsem mausman bilong Pop Francis long Papua Niugini na Solomon Ailan.

Em i amamas long bilip ol manmeri i soim na i askim ol long sanap strong long bilip.

Dispela i namba wan wokabout bilong Asbisop Kurian long provins.

Asbisop Kurian i bin stap 5-pela de na bihain i go bek long Pot Mosbi.

Em i go tu long provins bihainim askim bilong Mendi Daiosis bisop, Donald Lipert na long bung wantaim ol pater, bruda, sista na ol lidaman bilong sios.

Ol Katolik manmeri long olgeta hap bilong Westen Dineri long Tari i bin bung long Kupari hetkwata long lotu wantaim asbisop.

Em i blesim nupela Irawi peris haus lotu na ol pipel bilong Koroba.

Asbisop Kurian i opim dua bilong nupela sios na i bles-

im wantaim ol manmeri.

“Long makim maus bilong Pop Francis na long Holi Spirit mi nau i tokaut olsem Hedemari em nupela peris insait long Hela,” Asbisop Kurian i tok.

Long wik i go pinis long Sarere Katolik manmeri i bin redim 100 pik long amamasim dispela de.

Makim maus bilong sios na komyuniti bilong Hedemari Peris, Matias Manga i tok tenkyu long Asbisop Kurian na Seketeri bilong Nuncio wantaim hetman bilong Mendi Daiosis na Bisop Donald long makim

Hedemari olsem peris i hana pes i stap long ol i ken wok bung wantaim ol misineri.

Olgeta pris, brata na sista bilong Isten na Sentral i bin go bung long dispela bikpela de.

Asbisop i pinisim lotu wantaim tok olsem as bilong olgeta gutpela sindaun insait long famili em taim yu soim bikpela laik na gutpela pasin long wanpela na narapela.

Pasin bilong laikim na soim gutpela pasin i mas stap wantaim famili olgeta taim.

Man no kamap long stap bilong em yet: Pop Francis

POP Francis i tok man i no stap bilong em yet.

Em i tok man i stap bilong bung wantaim ol arapela manmeri na long kamapim ol wok.

Em i mekim dispela tok long taim ol komyuniti i redi long amamasim 53 Wol Komyunikesen De. Dispela de bai kamap long 2 Jun.

Bihainim rit long Efesus 4: 25 Pop Francis i tok “Mipela i memba bilong wanpela lain tasol.”

Em i tok taim i senis we i mekim teknoloji i mekim isi long yu inap toktok gut wantaim ol arapela lain.

Em i tok dispela i soim olsem wanpela man i no laik long stap bilong em yet moa.

“Midia na telekomyunikesen nau i kisim olgeta

man, maski wanem hap yu stap long em,” Pop Francis i tok.

“Em i namel samting we i mekim manmeri i save na mekim ol samting na kamapim poroman.”

Pop Francis i tok intanet i makim wanpela samting we wanpela i ken save long kain kain samting, sapos em i gutpela o nogut, tru o giaman.

Tasol em i tok taim kain senis i kamap, manmeri i mas yusim save ol i gat long skelim ol toktok na mekim disisen long wanem samting ol i mas kisim na wanem samting ol i mas lusim.

“Ripot i soim olsem wanpela man namel long foapela i kisim taim nogut long toktok bilong ol arapela,” Pop Francis i tok.

“Mipela i mas go bek na painim ol gutpela samting em intanet i kamapim.

“Mipela i mas luksave long ol rot em wanpela i ken kisim helpim long intanet.

“Piksa bilong wanpela komyuniti i bikpela samting na i makim laip.

“Komyuniti i kamap gut taim i gat yuniti, i gat wankain tingting, i harim tok na respekting wanpela na narapela.”

Pop Francis i tok ol netwok bilong mipela i no moa gutpela long manmeri.

Em i tok ol komyuniti i kamap bikos wan wan manmeri i gat laik long wanpela na narapela.

Tasol taim mipela i yusim netwok long rong wei, dispela i brukim ol komyuniti.

Em i tok ol yanpela bilong

Jolly Foniks i gro bikpela nau long PNG

James G. Kila i raitim

JOLLY Foniks em wanpela gutpela rot tru long lainim ol pikinini long Papua Niugini long kolim ol nem we i stap long Inglis na save long harim.

Insait long PNG tude, planti ol praiwet skul o Kristen ogenaisisin i wok long lainim ol liklik pikinini long Jolly Foniks.

I no long taim i go pinis Wantok Niuspepa i bin stori wantaim wanpela profesenel treina bilong Jolly Foniks, Bonita Amepou. Em i tokaut olsem Jolly Foniks em PNG Nesenel Edukesen Dipatmen i kisim pinis i go insait long nupela Stendet Bes Karukulim (SBC) bilong en.

Bonita i tokaut olsem Jolly Foniks em wanpela gutpela program bilong lainim ol pikinini long kolim ol nem long Inglis.

Dispela program i kam wantaim literesi program insait long wanpela multi-sensori rot we i ken helpim ol tisa long redim gut ol Inglis lesen. Dispela program i save go wantaim faipela besik skills o rot long lainim samting:

- Lainim ol leta saun;
- Lainim ol leta fomesin;
- Luksave na kisim ol saun long ol wods; na
- Tisim ol trik wods.

Insait long las mun, Bonita Amepou i bin givim trening long ol Jolly Foniks tisa long Oro na Morobe provins, na tu long Not Ambenob klasta long Madang provins. Em i givim trening tu long ol Katolik Edukesen ejensi skul long Madang.

Bonita i tokim Wantok Niuspepa olsem insait long olgeta trening bilong em ol tisa i bin autim wari bilong ol olsem ol i laikim tru long lainim ol program na rot long tisim Jolly Foniks.

Ol tisa i tokaut olsem ol trening program Bonita i mekim kamap i helpim gut stret ol tisa long painim ol rot ol gutpela plen long tisim multi-sensori rot long wok moa klostu wantaim ol sumatin na olgeta i amamas na pilai wantaim na lainim ol sumatin wantaim gutpela mining bilong ol lesen.

Long dispela taim 50 Jolly Foniks treina long Madang i bin bung long las wiken long Madang provins long stap long wanpela spesel trening woksop ol i kolim DREAM.

Dispela woksop i lukim ol tisa husat i

save tisim Jolly Foniks na i bin kisim trening pastaim aninit long Phiis Jolly Lening Senta i bin bung. Ol dispela treina i bin kam olsem long Karkar, Basken long Sumgilbar LLG long Sumkar distrik, Malala na Ulingan long Almami LLG long Bogia, Ono na Sanuai long Usino LLG na Tangu long Bogia.

Bonita Amepou i tokim Wantok Niuspepa olsem dispela ol 50 lain husat i bin stap long DREAM program woksop long las wiken em ol komyuniti eduketas na bikos ol i kisim trening pastaim long Phiis Jolly Poniks ol i bin askim ol long stap insait long dispela woksop.

Ol tisa husat i bin stap long dispela DREAM trening woksop i bin amamas long wanem ol gutpela samting ol i bin lainim.

Wanpela komyuniti lida bilong Ono, John Kotty, husat i bringim ol treina bilong em long dispela woksop i tok amamas long ol fasiliteta na ol lain i givim trening. Em i tok Jolly Foniks i helpim gut tru ol liklik pikinini long harim ol wod o toktok ol tisa i kolim na ol i save bihainim gut stret long lainim ol nupela samting.

Mis Amepou i tok olsem dispela trening em wanpela fasiliteta o speselis treina Fredinand Aimatuk i bin go pas long ronim na i bin stat long las wik Fraide na pinis long Sande.

Em i tok as tingting bilong dispela trening woksop em long trenim ol tisa bilong Jolly Foniks long painimaut stret wanem mining tru bilong laip bilong wan wan na wanem kain rot ol i ken yusim long painimaut ol li-dasip kwaliti bilong wan wan ol pikinini.

Mis Amepou i tokaut long mining bilong dispela wod DREAM olsem 'D' em driven pepos o wanem samting bai mekim yu long wokim samting. 'R' em rilesensip na 'E' em ol ekspiens na 'A' em pasin yu mas gat o bihainim na 'M' em misin o wanem woka-baut bai yu go long en long painim mining tru long laip.

Mista Amepou i tokaut olsem dispela woksop long i givim gutpela skul na tu opim tingting bilong ol treina.

Em i tok olsem planti long ol dispela treina i tokaut bihain long trening woksop olsem ol i bilip wanem save ol i bin kisim bai kamapim planti gutpela wok insait long wan wan komyuniti bilong ol.



Ol lain trena bilong Jolly Foniks bilong Ono long Usino LLG long Madang.



Ol lain tisa bilong Oro provins wantaim Bonita Amepou long Iephan i soim setifiket bilong ol.



Ol tisa bilong Not Ambenob long Madang husat i kisim trening wantaim Bonita Amepou.

Sirinumu ken kamap hap bilong Turis

Nicky Bernard i raitim

PLANTI ples insait long Sentral Provins i ken kamap hap bilong ol Turis long go na lukim na stap wantaim ol ples lain na soim ol long laipstail bilong ples.

Sirinumu Dem na ples long Sentral Provins em wanpela hap ol turis i gen go stap na lukim we ol manmeri na pikinini bilong dispela ples save mekim long laipstail bilong ol long ples.

Sirinumu ples i stap long namel bilong bikpela wara we i save givim saplai long Pot Mosbi Siti, dispela liklik ples em i stail tru. Masi bikpela san bilong Mosbi i save hot tru taol dispela liklik ples namel long dispela bikpela wara i save gat gutpela kol win olsem ol i stap long Hailans.

Sirinumu wantaim ol narapela liklik ples klostu i bin muv go long sait bilong ol bikpela maunten bihain long gavman i askim ol long saplai long wara na pawa kam long Pot Mosbi Siti.

Dispela ol liklik ples tu nau i kamap ol-

sem ol ples long sait bilong nambis, ol gat moto bot na ol save ran long dispela bikpela wara go long ples bilong ol. Ol dispela moto bot tu save kam suwa long bikpela dem gavman bin mekim long banisim wara.

Dispela ol liklik ples save planim ol gutpela kaikai na i save gro gut tru na ol save kisim kam daun long Mosbi na salim. Dispela ol liklik ples olsem ol Hailans graun bilong ol save groim kain kain kaikai ol Hailans save groim.

Ol prut bilong ol tu em nais stret, ol turis i raun go long hap bai laikim moa long stap long dispela ol liklik ples insait long Sirinumu wara.

Mosbi Siti i wok long gro go bikpela na ol win tu long siti wok long hot tumas, sapos yu laik pulim gutpela kol win orait raun go antap long Sirinumu na pulim gutpela win. I gat ol liklik maket tu long sait bilong dispela bikpela dem wara we yu i ken amamas long kaikai ol gutpela fres prut kam aut stret long gaden.



George laikim K80,000 ... tok tenkyu long olgeta

OL fanresing ogenaisa bilong biknem singa, George Telek i tok tenkyu long sapot ol grup na wan wan manmeri i mekim long kamapim fans.

Dispela ol mani na ol arapela helpim ol i givim i lukim George i kisim gutpela operesen.

Tasol em i laikim narapela operesen gen long ol dokta i rvium operesen bilong em.

Dispela fanresing em Lamana Gold Klab bilong Lamana Hotel wantaim redio stesin, PNGFM Ltd aninit long tripela studio; NAUFM, YUMIFM na LEG-ENDFM i bin go pas long em.

George Telek long las yia i kisim sik kensa long maus bilong em we i mekim em i sik na i no save singsing.

Em igat bikipela hevi na olsem ol dokta long kantri i no inap long helpim em. Tasol ol i askim em long go long ovasis long kisim gutpela operesen long kamap gut.

Dispela i lukim fanresing i kamap na ol i salim em i go long Australia long kisim operesen.

Tasol em i mas go gen na mekim rivi long operesen.



Posta bilong George Telek na ol original Painim Wok Ben memba i redi long pairapim ol olupela singsing bilong ol long bring memori bilong sampela bilong bipo.

George i mas gat K80,000 long go bek na mekim reviu.

Lamana Gold Klap wantaim PNG FM wantaim tripela redio stesin Nau FM, Yumi FM na Legend FM i kamapim wanpela bikipela fundraising bilong George Telek wantaim olupela band bilong em ol kolim long Painim Wok Ben, dispala ben em olupela ben insait long kantri

we Telek i bin go pas long em long 80s na 90s. Dispela ol olupela ben memba i kam bung long helpim George Telek na kamapim wanpela nait we olgeta bai bung wantaim na pilai laiv musik. Olgeta olupela singsing bilong ol we i save pairap long ol provinsal redio stesin na FM stesin bai ol pilai long dispel nait.

Dispela fundraising bai kamap long Me 25 long Lamana Gold Klap na sapos yu laikim ticket yu ken go long PNG FM redio stesin na kisim wanpela ticket bilong yu long helpim olupela musik man bilong yumi long PNG.

Sapos yu laik helpim orait "inbox" long Painim Wok Ben Live long Facebook page.

Raun bilong Kanage



Gutpela de ol rida, mi Kanage laik toksave olsem plis salim ol tok pilai Kanage stori na bai mipela i putim insait long dispela RAUN BILONG KANAGE kolom. Salim

ol gutpela tok pilai tasol, nogat ol tok nogut o pasin nogut tok pilai we mi no inap putim long pepa. Teksim i kam long 718 45906

Tenkyu! Paps Kanage..

KANAGE EM PLES MAN

KANAGE em ples man na em i kam long wanpela klen nem Nimoko, Yamikim Tribe na em wanpela man bilong painim abus.

Na olgeta taim em i save kisim dog i go wantaim em long bun na nem bilong dog bilong em Kuyambu. Tupela i bin kirap long traipela moning no gat kaikai na wara na go raun long bus na dok bilong em nek drai long dring wara tasol no gat wara bilong dring na em lukim Kanage pispis i stap. Na dok bilong em Kyambu i laik dring na Kanage inglis long em., "Kuyambu get away I am throwing the pispis," na dok em isi tasol lusim em na i go.

KANAGE EM BAS DRAIVA

KANAGE em wanpela bas draiva na em bilong ples Konambandu long Wosera na em i save draivim wanpela bas i stap. Na papa bilong bas i tokim em yu kisim Silives em stap long Papindo stua long Maprik.

Kanage i go painim Silives i go kam na em i askim wanpela man yupela lukim Silives tu na Silives tokim em mi tasol ya na Kanage tokim em yu werim stap ha. Na dispela man i tokim Kanage olsem no gat. Nem bilong mi Silives" Kanage tok, "Ah mi ting papa bilong bas lusim slipas bilong em na tokim mi long kam painim."

TUPELA SPAK POROMAN

Wanpela taim tupela man i bin bungim mani na baim wanpela katen bia na spak.

Wanpela man i gat tupela ai we taim em lukim lain em bai lukim tupela samting. Na narapela man em aipas man na em i no save lukim samting. Tupela resis long wanpela katen inap dispela katen bia i bin pinis na wanpela botol tasol i stap na dispela aipas man i bin kisim botol na putim long sait bilong tupela. Tupela pait long dispela wanpela botol tasol tupela wantaim i abrus long paitim tupela bikos aipas man em no lukluk na tromoi han nating nating. Wankain long dispela tupela ai man, em i no tromoi han long dispela trupela man tasol giaman wan ya. Na tupela aipas man tokim tupela ai man olsem, "Brata maski haitait na kam," dispela ai tupela ai man i tokim em. Na yu tu maski long kam tupela tupela.

KANAGE BUNGIM TAMBU MERI

Kanage pasim tok long bungim tambu bilong em bilong em long Arawa bastop long moning neks de na givim em sampla mani. Lo moning, tambu bilong Kanage kam bungim em na em kisim sampla kumu bilong Kanage kam. Tupela bung na kalap lo PMV bas. Tupla sindaun na Kanage putim liklik bilum mani bilong em go autsait na hangapim long kona bilong bas. Taim bas teikof, Kanage kalap go autsait lon windo na tok gutbai long tambu bilong em na wok-about i go. Sore tambu i no kisim helpim, kumu i go nating.

Toro



Biabia



Kanage



STORI TUMBUNA

Helios draiva bilong karis bilong san

Dispela em narapela stori tumbuna i kam long kantri Greece.

Helios em i pikinini bilong ol Taitan, Hyperon na Thea. Em i dispela god husat i save draivim karis bilong san olgeta de, stat long hap san i save kamap i go inap long hap san i save go daun. Orait long nait em i save go bek long ples bilong em insait long wanpela gol plet i stap long bikpela riva Oceanus. Dispela bikpela wara i raunim graun. Em i save malolo long hap inap em i kirap long moning gen na mekim dispela wok bilong em.

Karis bilong em i gol na foplea strongpela hos i save pulim. Gras bilong ol tu em kala bilong gol. Na Helios yet i save putim wanpela gol helmet long het bilong em. I gat kain kain ol kala ston mani i stap long en. Olgeta manmeri husat i laik lukluk long em i mas haitim ai bilong ol bikos lait bilong em i strong tumas na i save kukim ai.

Helios i gat wanpela pikinini man, nem bilong em Phaethon. Mama bilong em i

Clyme wanpela pikinini bilong Nerreus god bilong solwara. Em i save stap wantaim mama bilong em long Ijip. Long dispela taim Ijip i no ples wesana tasol, nogat. I gat ol bus na gras i gro olsem ol arapela ples long graun.

Helios i save bisi tru long wok bilong olgeta de na em i no gat taim long lukim pikinini bilong em Phaethon. Na ol pikinini i save tok bilas long Phaethon olsem em i no gat papa na em i wari tru long dispela. Long taim em i tokim ol olsem papa bilong em i wanpela god husat i save pulim karis bilong san, ol i no bilipim em na ol i mekim moa tok pilai.

Phaethon i wari long dispela na em i tingting long soim ol wanpilaia bilong em olsem tok bilong em i tru. Wanpela de em i kirap long monging tru na i go painim papa bilong em Helios. Em i kamap long haus bilong Helios na i tok, "Mi Phaethon, pikinini bilong yu. Mi kam longwe tru long haus bilong mama bilong mi Clyme long Ijip longlukim dispela god husat i

papa bilong mi na askim em long wanpela samting."

Helios i amamas tru long lukim pikinini bilong em na i askim long wanem samting em i laikim. Phaethon i tokim em olsem em i laik draivim karis bilong san. Taim Heliosi harim em i pret bikos no gat narapela man i save mekim dispela wok. Taso em i promis long givim wanem samting pikinini bilong em i laikim olsem na em i tok orait. Tasol Helios i tokim em long bihainim stret rot em i save ran long en, no ken kam daun klostu long graun o go antap tumas long skai na em i mas holim strong ol hos.


Klostu tulait i bruk nau, Phaethon i kalap long karis na em i draivim ol hos i go. Ol hos i amamas na ol i ran tasol i go tasol bihain ol i pilim olsem narapela man i draivim karis. Ol i no pilim strongpela han bilong Helios. Long taim ol i kamap antap long Ijip, Phaethon i lukluk i go daun na em i lukim ol haus long ples bilong em. Ol manmeri i slip yet. Em i paitim ol hos long

wip na fosim ol long kam daun klostu long graun bikos em i laik ol pren bilong em i lukim em na bai ol i bilip olsem i tru em i pikinini bilong wanpela god.

Tasol long taim o hos i kam daun klostu long graun, hat bilong san i kukim olgeta diwai na bagarapim ples. Phaethon i no inap long kontrolim ol hos n ol i flai long laik bilong ol. Ol i go antap tumas na ples i kol na ais i bagarapim ples. Ol hos i mekim nabaut i go na ol i kamapim bikpela bagarap tru long graun.

Zeus i sindaun long haus bilong em long Mt Olymus na em i lukim wanem samting i kamap. Em i kisim wanpela hap laitning na i tromoi stret long Phaethon na sutim em i go daun. Phaethon i pundaun i go daun na dai. Papa bilong em Helios i painim ol hos i go na painim ol long maunten long Ethiopia. Helios i haitim ai bilong ol fopela hos long laplap na i kisim ol i go bek antap long skai long rot ol i save bihainim. Em i wari tru na i ran isi isi na long dispela de ples i tudak olgeta.

Halivim liklik Tony i go bek long haus bilong em



PAINIM WOD PILAI

L	A	E	N	B	T	S	C	I	J	F	N	P	S	B	L
H	G	F	A	L	A	I	M	I	N	I	H	O	I	N	O
G	D	K	R	G	B	L	J	P	C	L	F	M	L	A	R
N	E	N	N	I	A	N	I	M	I	N	U	A	D	I	D
T	A	A	I	T	K	F	A	S	A	L	U	O	J	D	L
T	M	J	H	A	M	A	I	M	I	M	N	E	E	I	F
P	L	U	E	F	M	A	I	P	A	M	A	N	O	N	C
A	G	I	N	I	V	A	O	L	E	S	N	G	I	A	T
I	F	E	T	S	E	L	P	N	A	M	I	A	D	M	O
Z	S	E	I	T	A	Y	O	A	D	N	L	L	H	B	T
L	P	D	U	K	G	R	R	I	L	N	U	I	E	A	V
S	O	S	G	N	T	H	H	E	A	A	A	M	G	G	N
L	K	B	R	O	B	F	L	W	N	S	I	B	A	R	O
C	S	Q	T	B	I	F	F	O	B	E	E	O	G	I	W
F	Q	D	E	M	B	F	P	A	S	F	S	N	N	N	M
Q	R	M	T	S	D	S	D	Z	S	I	O	G	C	S	A

OL WOD LISTA:

- AFRIKA,
- SPETIM,
- BALISIM,
- TABAK,
- DAIMANPLES,
- ULA,
- GALIMBONG,
- VINIGA,
- HAMAIM,
- WANLAIN,
- KAIL,
- YATI,
- LAIMIN,
- AIDIN,
- MANGAS,
- BAKET,
- NAMBA,
- DAUNIM,
- ONA,
- GRIN,
- PALAI,
- KALOPILUM,
- RABIS,
- LEGO,
- SAMAN,
- MAIN,

Stori i kam long Buk Baibel

Daniel i stap long hul bilong ol laion

LONG dispela taim profret Habakuk i stap long distrik Judia. Em i bin kukim sup i gat mit na liklik hap bret, na em i karim i go long givim ol man i bungim kaikai long gaden. Em i stap yet long rot na ensel bilong God i tokim em olsem, "Bringim dispela kaikai bilong yu i go long Daniel. Em i stap long Babilon long hul bilong ol laion." Na Habakuk i bekim tok olsem, "Mi no lukim Babilon yet. Na mi no save hul bilong ol laion i stap we."

Orait ensel i litimapim profet long gras bilong het bilong em, na em i spit olsem win na karim em i go long Babilon. Na em i putim em i go daun klostu long hul bilong ol laion. Na Habakuk i singaut olsem, "Daniel, Daniel. God i salim sampela kaikai i kam long yu. Yu kam na kisim."

Daniel i harim tok bilong Habakuk na em i prea olsem, "God yu bin tingim mi. Yu no save lus tingting long ol man i laikim yu." Na em i kirap na i kaikai, na wantu ensel bilong God i karim Habakuk i go bek long ples.

7-pela de bihain, king i go long hul bilong ol laion, bai em i ken kraik long Daniel. Taim em i kam kamap, em i lukluk i go insait, na em i lukim Daniel i sindaun i stap. Na king i singaut olsem, "God bilong Daniel, yu Bikpela tru. Yu wanpela tasol yu God." Na em i tokim ol man long rausim Daniel i kam ausait long hul. Na king i kisim ol man i laik kilim Daniel na ol i tromoi ol dispela man i go insait long hul. Na king i lukluk yet i stap na wantu ol laion i pinisim ol dispela man.

Solomon Ailan palamen i bung gen bihain long nesenel ileksen

Evan Wasuka/Gina Kekea

Nesenel Palamen bilong Solomon Ailan i bin holim namba wan miting bilong ol bihain long nesenel ileksen long mun Epril na tu, ileksen bilong Praim Minista Manasseh Sogovare.

Miting bilong palamen i

lukim ol i makim 48 bilong dispela 50 memba bilong palamen na tu ileksen bilong nupela spika.

Dispela miting i bin kamap tu long taim kot eksen long hai kot bilong Solomon Ailan, long salensim Praim Minista sapos em inap long holim dispela wok o nogat.



Ol kampani paulim yet ol papagraun

Hilda Wayne

Ol papagraun long Nu Ailan provins i wok long lusim planti ol diwai bilong ol bilong wanem ol kampani i wok long paulim ol papagraun wantaim ol kain agrimen ol i wok long sainim.

Jonathan Mesulam em wanpela man husat i save mekim ol komyuniti awenes. Long ol wok painim aut em i bin mekim, em i tok planti ol papagraun i no save long wanem samting ol i save mekim.

Mista Mesulam i tok ol timba kampani i wok nau long stilim ol diwai bilong ol papagraun tasol no gat wanpela samting em gavman i mekim long stopim dispela stil pasin.



Praim Minista Peter O'Neill i tok no gat senis long gavman

Hilda Wayne

Praim Minista Peter O'Neill i tok ol lida husat i bin lusim gavman bilong em ol i no bin gat wanpela polisi bilong ol long helpim gavman bilong mekim ol wok bilong developmen.

Em i tok tu olsem dispela ol lain i laikim pawa tasol na ol i bin traim long rausim em olsem praim minista bilong kantri.

Mista O'Neill i tok em i gat bilip olsem em bai stap yet olsem praim minista bilong PNG na no gat senis bai kamap long taim palamen i sindaun gen long Me 28, 2019.

Em i tok ol lida olsem James Marape na Dr Puka Temu husat i bin lusim gavman, em ol i laikim pawa tasol na ol i no gat plen o polisi bilong helpim developmen long kantri.

Mista O'Neill i tok gavman bilong em i gat 62 memba na bai i no gat senis bilong wa-



Praim Minista Peter O'Neill

nem ol i gat namba pinis long stap yet long gavman inap 2022.

Em i tok em i kisim sapot i kam long olgeta hap long

kantri long stap yet na mekim wok gavman bilong em i mekim stap na sapos ol pipel i laikim gavman i senis bai ol i mekim dispela.

I gat moa wok long mekim long klaimet senis

Ol bikpela kantri long wol olsem Australia na Nu Sila i gat moa wok long mekim long helpim ol Pasifik ailan kantri long hevi bilong klaimet senis.

Seketeri Jeneral bilong Pacific Islands Forum, Dame Meg Taylor i tok nau long dispela taim, planti ol ailan long Pasifik na laip bilong ol pipel tu i wok long senis bilong wanem solwara i wok long kisim ol graun na klaimet i wok long senis.

Dame Meg Taylor i tok ol gavman mas tingim sindaun bilong ol pikinini long bihain taim na mekim ol disisen long was long dispela.

Em i stap long Fiji, we i gat miting bilong Pasifik na klaimet seni (Climate Action Pacific Partnership Conference) na bai em i bung wantaim hetman bilong United Nations, Antonio Guterres, husat i mekim namba wan spesel bung wantaim ol lida long Pasifik.

Dispela em i namba wan taim tru long wanpela lida bilong UN i kam long bungim ol lida long Pasifik ailan.

Scott Morrison i winim gen ileksen bilong Australia

Henry Belot

Scott Morrison wantaim Liberal pati i winim gen ileksen bilong Australia na kamapim gen kolisen gavman. Tasol ol promis em i bin mekim ong katim takis wan wan manmeri i save baim, bai i no inap kamap bipo long Jun 30.

Praim Minista Scott Morrison i laik dispela takis plen bilong em i kamap lo hariap, na bai i ken karamapim ol takis riten bilong dispela fainensal yia. Eleksen 2019: Scott Mor-

rison i tok 'Mi save bilip long mirakel' na Kolisen gavman i kisim bek pawa.

"Mi save bilip oltaim long ol mirakel," Praim Minista i tokaut bihain long em i winim ileksen.

Labor Pati i lus long dispela ileksen, na Oposisen Lida Bill Shorten i tokaut bai em i step daun long wok bilong lida bilong Labor.

Ol i no klia yet sapos Kolisen gavman i gat inap memba long kamapim gavman o bai ol i kisim sampela independen memba long sapotim ol.

Mista Morrison bai makim ol nupela memba bilong kabinet bilong em bihain long sampela senia memba i bin ritaia. Sampela bilong ol em, Julie Bishop, Christopher Pyne, Kelly O'Dwyer, Michael Keenan na minista bipo, Craig Laundy.

"Mipela i gat planti wok long mekim. Na bai mipela i go bek long wok," Mista Morrison i tok.

"Mipela bai go bek long mekim wok bilong ol pipel bilong Australia husat i save wok olgeta de, na i save bungim ol dispela hevi olgeta de."

Tasol ol plen bilong em long mekim planti wok bai i no inap kamap bikos taim i sot.

Praim Minista i mas wet inap ol rit bilong ileksen i go bek long Gavana Jeneral na bihain bai palamen i ken sindaun gen long bung bilong en. Ol i ting bai dispela i no inap kamap inap long namel bilong mun Jun.

"Mipela i mas wet long ol rit i kam bek pastaim bikos em i lo bilong kantri," Mista Morrison i tokim Sky News.



Scott Morrison

Trump givim strongpela tok lukaut long Iran



US Presiden Donald Trump i givim strongpela tok lukaut long Iran na i tok, "Sapos Iran i laik pait, bai Iran i pinis."

Presiden Donald Trump i mekim dispela toktok long sosel midia long taim bikpela hevi i stap namel long US na Iran.

"Sapos Iran i lak pait, bai em i pinis olgeta. Em i no ken mekim ol kain toktok egen-sim USA gen," Trump i tok long sosel midia long las wik Sande.

Trump i putim moa strongpela tambu long tred wantaim Iran. Na gavman bilong USA i tok ol ami bilong en i go sambai pinis klostu long Iran. USA i tok Iran i mekim sampela strongpela toktok egensim ami bilong USA na ol bisnis bilong en.

Iran i tok ol dispela toktok bilong USA em i bilong pretim

Iran na em i politik tasol.

Dispela hevi i kamap long taim Saudi Arabia i tok em i no laik woa i kamap long dispela rijon tasol em i redi wantaim olgeta strong bilong en, bihain long Iran i bin bagarapim ol oil bisnis bilong en. Em i tokim Iran olsem Iran i mas stretim dispela hevi nau.

Saudi Arabia i sutim tok long Iran long salim ol dron i go bomim tupela oil pamp stesin long Tunde. Ol i tok ol Houthi, wanpela lain Iran i save sapatim long Yemen, i bin mekim dispela birua pasin.

Tupela de bipo long dispela hevi i kamap, sampela lain i bin bagarapim foapela sip klostu long Yunaitet Arab Emirets (UAE) tupela bilong ol dispela sip, em ol oil tenka bilong Saudi Arabia.

Bihain long dispela, Galp

Koporesen Kaunsil i statim "strongpela sekuriti patrol" long intensenel solwara long hap bilong Arabian Galp long Sarere.

Iran i tok em i no bin mekim ol dispela samting. Long dispela taim Iran na USA i wok long kros long ol tambu USA i putim long tred na Iran i no amamas long lukim ol ami bilong US i kam was i stap nau long dispela rijon.

"Kingdom bilong Saudi Arabia i no laik woa i kamap long rijon na em i no go painim pait," Minista bilong Stet bilong Foren Afes, Adel al-Jubeir i tokim ol nius ripota long Sande.

"Bai em i traim long stopim woa i kamap. Sapos narapela lain i laik pait, orait kingdom bai yusim strong bilong en long bekim na was long kantri na ol bisnis bilong en."

Sudan ami na ol protesta i bung na toktok

Militeri Kaunsil bilong Sudan i stat toktok gen wantaim ol protesta, wanpela de bihain long ol i bin saspensim ol. Planti vailens i kamap long biksiti bilong Sudan, Khartoum long taim bilong protes olsem n ol militeri kaunsil i bin rausim ol.

Militeri Kaunsil bilong Sudan i tok ol i stat long toktok gen wantaim ol grup i protes na ol lain Oposisen husat i laik i mas gat ol sivilien i go pas long ol wok bilong kamapim demokretik gavman. Transitional Military Coun-

cil (TMC) bin stopim ol toktok las wik bihain long ol protesta i kamapim vailens.

Ol ppel i wok long potes na sampela i sindaun ausait long opis bilong Difens Ministri, bihain long ol ami i rausim olpela presiden Omar al-Bashir long Epril 11.

Ol lain TMC na Declaration of Freedom and Change Forces (DFCF) i bin pasim tok long tripela yia senis i mas kamap bipo long ileksen, Tasol ol i bin kros na i no wanbel long husat tru bai kontrolim sovren kaunsil.

US tokaut long plen bilong Midel-Is

White House i tokaut long namba wan hap bilong plen bilong Presiden Donald Trump, long bringim bel-isi long Midel-is. Bai gat wanpela konpres long Jun long strongim ikononi long eria bilong ol Palestain.

USA bai go pas long wanpela intensenel ikononik woksop long Bahrain long pinis bilong mun Jun. Ol i laik pulim ol investa i go

wokim bisnis long hap bilong ol Palestain. Dispela em i hap bilong namba wan plen long bringim ol bisnis long ol eria we ol pipel bilong Palestain i stap.

Dispela konpres bai bringim ol ol lida biong gavman na ol bisnis long kam bung na painim rot bilong statim ol wok bisnis.

Tambu bilong Trump. Jared Kushner na Ja-

son Greenblatt bai lukluk pastaim long kirapim ikononi bilong ol Palestain. Tasol sampela lain i tok bipo ol USA i bin traim dispela samting tasol i no longtaim na em i bruk daun.

"Dispela bai givimsans long ol lain I luksave long wanem kain ol bisnis ol I ken kirapim long dispela rijon.

Dispela konpres long

Jun 25-26 long Manama, bai gat ol mausman na ol bisnis eksekutiv bilong ol bisnis long Yurop, Midel-is na Esia.

Tasol ol i no tok klia sapos Israel na ol Palestain bai kam long dispela woksop.

Ol US lain i tok disela plen blng bel isi bai kamap bihain long pasin bilong ol Islam long taim bilong Ramadan long pinis bilng mun Jun.

Bot bilong Jemani helpim boat ol maigren long Itali

Wanpela sip bilong Jemani i helpim ol 47 maigren na go lusim ol long wanpela bris long Itali. Dispela pasin ol i mekim i hatim bel bilong gavman husat i egensim ru ol maigren bilong ol arapela kantri i go stap long Itali.

Interior Minista bilong Itali, Matteo Salvini, i no bin amamas long aim ol dispela 47 maigren i lusim sip bilong Jemani ol i kolim Sea Watch 3, na go daun long Itali.

Long apinun, Salvini i bin kisim toksave olsem ol maigren bai kamap long saut ailan long ples ol i kolim Lampedusa, bihain long em i tok bai ol i no inap krungutim graun bilong Itali.

"Wanpela man i givim oda. Na em i mas kamap na tokaut," Salvini i tok..

Dispela sip Sea-Watch 3 i laik go long Lampedusa Ing Sarere bihain long em i sakim tok long Sarere. Ol i givim oda long em i no ken go insait lang solwara bilong Itali, tasol em i no harim tok.

Long Trinde, dispela sip i helpim 65 pipel klostu long Lybia. Itali i tok orait long ki-

sim 18 pasindia – ol famii i gat pikinini, na larim ol 47 i drip long solwara.

Salvini, husat i go pas long far-right League party, i egensim tru ol pipel bilong arapela kantri i go sindaun long Itali. Em i wok long kempen nau long stopim dispela long ileksen bilong Yuropian Palamen. Ol pipel bilong Itali bai vot long Me 26.



Matteo Salvini

US billionair i stretim dinau bilong 400 studen

Robert F. Smith, husat i wanpela blakskin man Amerika, em i wanpela man i gat planti mani tru long invesmen bisnis bilong em. Las wik em i baim dinau bilong ol 400 blakskin studen husat i bin greduet long wanpela koles long USA. Em i spendim samting olsem \$US40 milien long stretim dinau bilong ol dispela studen.

Smith i gat planti mani tru long teknoloji invesmen bisnis. Em i tokim ol dispela studen long wanpela yuni-vesiti olsem em bai stretim dinau bilong ol. Em i mekim dispela toksave bipo long greduesen seremoni i stat. Olgeta studen i maus op na i no inap long bilip long taim ol i harim dispela toktok bilong Smith.

Robert F. Smith, i bin go toktok long greduesen long Morehouse College, we 400 man studen i bin greduet long dispela biknem koles bilong ol blakskin pipel long Atlanta, Georgia.

Smith, i bin statim Vista Equity Partners, wanpela praivet kampani i save investim mani long software, data, na ol teknologi kampani.

Bipo long greduesen, wanpela studen, Aron Mitchom, i wok long wari long wanem em i gat \$US200,000 dinau long bekim. Mitchom i gat 22 krismas na bai em i bekim dispela dinau inap 25 yia olgeta.



Robert F. Smith

Long taim Mitcom i harim olsem Smith i stretim dinau bilong em wantaim ol arapela studen, em i krai. Mama

bilang em tu, Tina Mitchom i no gat toktok. Ol 8-pela famili memba bilong Mitchom, tumbuna meri tu, i wok long

helpim Mitchom long baim dispela dinau bilong em. Tasol tude ol i amamas bikos i no gat moa dinau.

APEC tok sori long dai bilong Hawke

OPIS bilong Esia Pasifik Ikonmik Kopresen (APEC) i tok sori long dai bilong bipo praim minista bilong Australia, Bob Hawke.

Opis i tok APEC i kamap bikos long tingting bilong Hawke.

Long Jenueri 1989, Hawke i kamap wantaim wanpela liklik tingting tasol.

Hawke i tok taim wan wan ol liklik rijon i kisim luksave long wol, i gutpela mipela i mas helpim mipela yet long strongim wok bilong tred, patnasip na prosperiti.

Dispela tingting bilong em i gat mining na ol i statim APEC opis long Kembera, Australia.

Kamap bilong dispela opis i lukim moa wok bilong tred na kamapim ol wok i kamap long rijon wantaim mak bilong pe bilong ol wokman i go antap.


Hawke i stap olsem wanpela ektiv memba bilong APEC na i save givim tingting long sampela wok opis i mas mekim bihain long em i pinis olsem praim minista.

Em i askim wan wan ol ikonomi long wok bung wantaim long mekim senis long teknoloji, long lukim ol manmeri i kisim gut sevis na wan wan ikonomi mas kamap poroman bilong olgeta.

Em i askim ol ikonomi long ol i mas redi long bungim ol salens i kamap wantaim ol senis.

APEC opis i tok Esia-Pasifik rijon i kamap strong moa na i kamap gut na i ken kamapim kain kain samting moa long taim Hawke i kamap wantaim tingting bilong kamapim kain opis olsem.

"Mipela i salim tok sori bilong mipela



Bob Hawke, bipo praim minista bilong Australia.

la i go long famili bilong Mista Hawke na ol pipel bilong Australia," APEC opis i tok.

"Mipela tu i lusim em na gutpela

sapot em i givim long strongim rijon bilong mipela.

"Ol gutpela tingting em i kamapim bai stap.

"Mipela bai bihainim yet lekma long em long kamapim gutpela wok bung na ol ikonomi long rijon bilong mipela."

Pot Mosbi bai holim dijital maketing bung

POT Mosbi bai holim wanpela dijital maketing bung long dispela wik Fraide.

Dispela bung em Nesanel Infomesen na Komyunikesen Teknoloji Ejensi (NICTA) i go pas long en.

Australia Gavman aninit long PNG Australia patnasip program wantaim nupela komesel benk Kina Benk bai go pas long dispela bung.

Ol ogenaisa i tok registresen nau i op na i gat inap long 50 sia tasol i stap.

Ol i tok husat manmeri o grup i laik kamap long dispela bung i mas rejista hariap.

"Sapos yu papamama bilong wanpela bisnis, investa, sels lida, maketing eksekutiv, manmeri i lai-

kim teknoloji o wanpela bisnisan husat i painim tasol ol rot bilong wok bisnis i ken kamap long dispela bung," ol i tok.

"Em i bikpela samting olsem yu mas i kamap long dispela bung long save moa na mekim ol arapela lain i save long yu."

Ol ogenaisa i askim ol bikpela bisnis lain long Esia Pasifik rijon long kamap long dispela bung.

Ol i laik bai dispela ol lain husat i kamap i gat sans long tokaut long dijital brending na rot ol i save mekim dijital maketing bilong ol.

Ol i tok ol manmeri i mas serim ol save na tingting bilong ol wantaim wanpela na narapela.

"Yu serim tingting na save tasol long wankain taim yu bai lainim

planti moa ol arapela samting long dispela bung."

Ol ogenaisa i tok ol manmeri bai givim ol toktok long woksop na bai gat so tu long prodak.

Yu ken salim tok long Ian Hetri long dispela email: ian.hetri@gmail.com long kisim eplikesen fom long bukim sia bilong yu.

Long wankain taim PNG Bisnis Nius we i save kamapim ol stori bilong ol bikpela projek olsem maining na petroleum i askim ol kampani long edvetais wantaim ol.

Dispela megesin i save kamap bihain long tripela mun.

Bai gat bikpela so long maining long Jun na ol ogenaisa bai putim sampela long ol buk long dispela taim.



Kain Smartphone Huawei telepon em ol manmeri i yusim.

PNG inap lusim bisnis sapos Huawei lusim Google

I GAT bilip Papua Niugini inap long lusim bisnis sapos bikpela Saina telepon kampani, Huawei i no yusim ol sevis bilong Google.

PNG telepon kampani, Telikom i bin askim Huawei long kam na mekim ol wok bilong telepon long PNG.

Nau yet em i no klia amamas manmeri long kantri i yusim Huawei mobail telepon tasol i gat bilip, planti manmeri i yusim dispela telepon.

Long dispela as manmeri i mas yusim gen mani long baim ol arapela telepon olsem Samsung na Nokia long yusim ol sevis bilong Google.

Dispela ol hevi i kamap bihain long Yunaitet Stet ov Amerika (USA) presiden, Donald Trump i givim oda long las wik long Amerika i mas skelim gut ol wok em i gat wantaim Saina.

Dispela ol i wok i kisim tu wok bilong teknoloji.

Long autim tingting bilong Amerika Komyunikesen opis i tok bai gat hevi long Huawei na ol kastoma bilong em.

Nau yet planti manmeri i yusim

Google long kisim ol toktok long intanet o salim ol tok i go kam long email.

Planti manmeri long wol nau i yusim ol Android o ol "smartphone" em ol i save kolim na we i save gat Play Store.

Play Store i gat ol sevis olsem bilong kisim piksa, muvi, go long intanet o salim email na ol arapela sevis em inap long mekim.

Sapos wanpela i no gat dispela ol sevis, em bai i no inap long mekim dispela ol samting tasol i ken ring o salim "text message" (sms) tasol.

Long dispela as Google i tok Huawei inap long kisim bagarap sapos em i no yusim Google long salim ol tok i go kam.

"Bikpela kampani olsem Huawei i no inap long i gat wanpela sans long go long open maket taim em i no gat sevis bilong Google," Infomesen long Amerika i tok.

"Long kain tingting i kamap long 2019, dispela bai hat long wanpela i ken go het long mekim gut long bisnis.

"Long em i lusim Google bai bagarapim ol wok bilong em."



Sampela long ol lain manmeri husat i bin stap long Dijital Maketing so bipo. Poto: Dijital Maketing

Sir Kostas gat bilip long Air Niugini bod

James G.Kila i raitim

SIAMAN bilong Air Niugini bod ov dairekta, Sir Kostas Constantinou i tokaut kampani i gat ol gutpela bod memba long mekim wok.

Em i mekim dispela tok long las wik Fraide long Madang Risot Hotel bihain long wanpela bod miting bilong Air Niugini.

Em i tok i gat planti salens bilong kampani, we i no gat isi ansa bilong ol, tasol bod i lukluk long ol na bai traim long stretim.

Ol bod memba husat i bin stap long dispela bung long Madang em, Sir Kostas, namba tu siaman An-

drew Nui, husat tu em i wanpela bikpela bisnisan long Mt Hagen, na ol dairekta Ian Jepson, Allan Milne, Menesing Dairekta bilong Air Niugini na Ken Harvey.

Menesing Dairekta blong Air Niugini, Allan Milne, i tok kastoma sevis em i stap olsem nambawan wok bilong Air Niugini.

Em i tokim ol Madang kastoma bilong Air Niugini olsem, namel long ol foapela hap bilong kampani em kastoma sevis.

Milne i tok Air Niugini i wok hat long lukim olsem ol kastoma bilong em i kisim gutpela sevis.

Em i tokim NBC nius insait long

wanpela askim na bekim nait olsem, i gat planti rot we Air Niugini i traim long strongim ol sevis bilong em i go long ol kastoma.

Wanpela long em long kisim tiket-ing sevis i go aut long ol liklik taun na stesin.

Dispela em long lukim olsem ol manmeri i no ken hat wok long go long taun long baim tiket.

Milne i tok aut olsem i gat ol ejensi bilong Air Niugini insait long sampela distrik pinis husat i givim dispela sevis.

Insait long Madang Provins, i gat wanpela ejen i stap long Ramu Sugar taun.

Senia APEC opisa tok long strongim wok bung

OL SENIA opisa bilong 21 memba Esia Pasifik Ekonomik Kopresen (APEC) i strongim tingting bilong wok bung long rijon gen. Ol i tok kain wok bung i strongim wan wan ol ikonomi na wok developmen long rijon.

Ol i mekim dispela tok long taim ol i bung long Santiago, bikpela taun bilong kantri Chile long Saut Amerika. Wantaim teknologi ol lidaman bai rijonal ikonomik integresen na konektiviti, dijital entraprenusip, maket

ekses na bisnis we olgeta manmeri inap long kisim teknologi long pawa, kompyuta na mekim wok bisnis. As tingting bilong dispela kibung em long kamapim polisi long Apec we i lukim ol manmeri i gat save, kisim na yusim teknologi na i konek

long ol arapela lain. Olsem olgeta lain i wok bisnis, i strongim laip na kamapim gutpela sindaun. Hap bilong global tred olsem 60 pesen long wol gros domestic prodak (GDP) na bikpela na gutpela senis long sindaun i mas kamap.

Ol toktok bilong Apec Minista na Pasifik Ailan lida bai go long ol lida bilong Apec memba kantri long dispela taim tu. Long planti yia, tred i bin stap olsem wanpela bikpela samting olsem ikonomik. "Mipela i mekim gutpela

progress long stretim ol hevi nau i wok long bungim wok bisnis," Dokat Rebecca Sta Maria, Eksektiv Dairekta bilong APEC Sekretariat i tok. "Mipela i askim ol memba long ol i mas soim pasin bilong wok bung."

O'Neill tok orait long K 1.1 bilien Kumul Petroleum mani


OL HAIT toktok i soim Prais Minista Peter O'Neill i givim tok orait long Kumul Petroleum long kamapim K1.1 bilien haus long Pot Mosbi. Memba bilong Mosbi Not Wes, Sir Mekere Morauta i tok kain hait pasin na paulim pablik samting i no stret long gutpela bilong kantri. "Dispela em bikpela lus bilong mani we i mas go long konsolidetet revenu long yusim long bringim ol bikpela sevis olsem helt na edukesen," em i tok. "O'Neill em olsem bikpela seahola long dispela pablik kampani na em i mas sem long pasin em i mekim long helpim em yet. "Long dispela taim bilong hevi, las samting Papua Niugini i laikim em long yusim nabaut mani. "O'Neill i mas hariap na

pasim dispela tingting bilong yusim kain mani olsem." Sir Mekere i askim long wanem as PM tasol bai bos bilong K2.3 bilien revenu. Em i tok dispela i wok bilong Tresera na i no bilong praim minista. "Husat i laik kamapim pales bilong Pipel Nesenel Kongres (PNC) pati? "Mi save pinis long wanem kampani bai wokim dispela haus. "Mi pret olsem pablik mani i wok long lus long wanpela man tasol. Sir Mekere i tok 2017 enuel ripot i soim olsem kampani i kamap olsem "slush" fan bilong praim minista long kisim mani na yusim bilong helpim em yet. Em i tok wanpela piksa em olsem long 2017 Kumul Petroleum i mekim olsem

K18.4 milien. Em i askim sapos sampela mani bilong dispela i go long PNC. Em i tok maski long kain mani i go long wanpela man tasol i mas go long konsolidetet revenu long gavman i ken putim long baset long fanim ol wok. "Planti mani long akaun i paul long wanpela man tasol. "Papua Niugini i no ken larim wanpela man i mekim kain pasin long ol." Sir Mekere i tok wanem gavman i kamap bihain i mas mekim gutpela wok painim na tokaut na givim mekim-save long husat ripot i soim i no yusim gut pablik mani. Em i tok em i taim PNG i mas "kirap long driman" na mekim wok long pasim kain samting i kamap.



PRAIS BILONG KAIKAI GO ANTAP. Prais bilong ol gaden kaikai i go antap. Long piksa em ol mama i salim kaikai long Kwikila maket, Sentral provins. Prais ol i salim em wankain tasol olsem long ol maket long Pot Mosbi. Ol wokmanmeri long siti i ting bai orait na i go long wiken tasol no gat senis. *Poto: Ronaldo Hesehing*



Kutubu Oil Search rig ol oil ol i mekim i save go long Kumul Petroleum. *Poto: File*



SANS YAH! Bogenvil Katolik Edukesen Seketeri Mista Ephraim Samuel i lukluk raun long Arawa Pis Maket. Prais bilong pis i daun tru we ol bikpela pis i gat hevi bilong 4 kilogram i stap long K20 tasol. Poto i soim Mista Samuel i no wet long baim pis na amamas long holim wanpela pis taim dispela poto man i bungim em na kisim piksa bilong em. *Poto: Augustine Sarughu*

PHA givim K20, 000 Helt Insurens long sikman

PNG Helt Asurens (PHA) i bin holim bung long las wik Fraide long Pot Mosbi.

PHA i bin amamas long helpim Paulus Ambun husat i save wok wantaim LOTIC Bige Limited (LBL). Paulus em i bin kisim sik long tupela yia na em i bin painim aut olsem em i gat hevi long lewa bilong em na lusim olgeta strong bilong em.

Em i bin askim kampani bilong em LBL

long helpim em. Mista Anthony Amerasinghe, CEO bilong LOTIC na LBL i luksave long helpim wokman bilong em Paulus husat i nidim helpim.

Amerasinghe i bin amamas long sainim agrimen wantaim PNG Helt Asurens (PHA) long kisim medikol helt insurens long lukautim ol wok lain bilong em. Dispela i bin opim rot bilong Amerasinghe long kisim helpim long PHA.

Amerasinghe i bin ringim PHA na askim long helpim Paulus na Mista Jaj Juta, Spesel Edvaisa bilong PHA i tok ol harim dispela sik bilong Paulus pinis olsem na ol laikim Paulus long sain ap long PHA na kisim K20, 000 insurens helpim medikol bil olsem hap bilong Kopret Sosel Wok bilong ol.

Paulus i amamas na toktok moa long gutpela bilong Helt Insurens.

Em i tok "Mi i no bin plen long kisim dispela sik na mi i no bin sain long dispela polisi. Bihain long mi kisim dispela sik na mi tingim gen olsem mi nidim insurens. Olsem na bos bilong mi tokim long sain wantaim PHA long kisim helt insurens polisi na ol i bin go het long helpim mi wantaim medikol ke bilong mi. Mi laikim olgeta long kisim dispela Medikol Helt Insurens olsem mi kisim wantaim PHA."



PHA, Anthony Amerasinghe - CEO LOTIC & LBL, Paulus Ambun, wokman bilong LOTIC & LBL na, John Elisa- Dairekta bilong PHA, na Raj Juta - Sepsel Edvaisa bilong PHA.

Digicel bisnis grup laik wok bung wantaim SME

Jacklyn Kimala i raitim

WANPELA Digicel bisnis grup i bin kam long opis bilong Wantok Niuspepa long las wik.

"Dispela Digicel bisnis grup i bin mekim wok painim bilong ol SME bisnis bikos i gat

planti liklik lokal bisnis i nidim internet sevis long salim prodak bilong ol," SME Sels Eksekutiv Nyron Nudds i tok.

Mista Nudds i tok planti SME pipel i laikim gutpela internet sevis long mekim bisnis olsem na Digicel i laik lukluk long dispela ol

hap na traim save long amas mani ol i save yusim long wokim bisnis.

"Digicel i traim long helpim ol long sait bilong telekomunikesen na lainim ol long yusim intanet na salim prodak bilong ol. Planti lain i save yusim Facebuk, Twita, na arapela on-

lain samting wantaim ol lokal pipel long mekim bisnis," Nyron i tok.

"Mipela stat long dispela yia tasol insait long Pot Mosbi na i no go aut long ol arapela provins yeT. tasol mipela bai traim go het long givim gutpela internet sevis long ol lokal pipel insait

long siti na ausait wantaim," em i tok.

Benjamin Justin wanpela bilong ol Sels Eksekutiv i tokim Wantok Niuspepa olsem. Ol i gat planti grup mangi husat i wok bung wantaim long mekim wok painim aut long SME na ol i save serim wok

namel ol yet.

Mista Justin i tok dispela bisnis grup bilong Digicel i bin stat long taim tasol i no bin kamap gut, olsem nau ol traim long developim gen na helpim olgeta lokal SME bisnis haus long save moa taim ol i yusim internet long

wokim bisnis.

"Bisnis i save gro taim i gat gutpela komyunikesen na tu planti senis i save kamap long taim ol i yusim intanet. I gat bikpela bilip olsem dispela wok painim bilong SME bisnis bai kamap gut na bungim olgeta SME," em i tok.

MAF STORI

P2-MAK i kamap na mekim ol wok long Goroka nau

P2-MAK, namba tri nupela Cessna Caravan (namel long 6-pela) balus i kamap long statim program bilong en long PNG. Em i bin lusim Mareeba, long Kwinslan na flai i go long Horn Island. Simon Wunderli, wanpela instraksa pailot bilong MAF Aviation Training Centre i bin flaim dispela balus i kam long PNG.

Kagmuga Paia Briged i bin wasim balus long wara long tok welkam long en.

Balus i kamap gut! Tenkyu Simon Wunderli, long flaim dispela nupela Caravan P2-MAK i kam kamap seif asde!

Mipela i bin bihainim em long taim em i flai i kam bikos i bin gat wanpela saiklon tu i wok long

kam olsem long hap bilong Not Kwinslan.

Simon i wanpela save-man tru bilong MAF i long Cessna Caravan. Em i bin flai long Africa na nau em i instrakta pailot long Mareeba.

Wantaim dispela bikpela save bilong em, Simon i helpim program bilong mipela long taim mipela i senis i go kisim wanpela kain balus tasol, na bikpela wok bilong trening. Em i stap tripela de na i sekap wantaim CASA long kisim tok orait long givim trening long ol pailot bilong mipela.

Long apinun, wanpela liklik seremoni i kamap long blesim dispela nupela Cessna Caravan, P2-MAK long mekim wok bilong en long givim

sevis long ol pipel bilong Papua Niugini.

Brad Venter, Flight Operations Manager bilong mipela long Goroka, i tok dispela i bin spesel de bilong em bikos em i lukim nupela balus bilong ol pipel bilong PNG, bihain long em i lukim Twin Otter i lusim Goroka sampela wik i go pinis na em i lukim ol pipel i sori na krai long lusim "Mama Balus." bilong ol.

Brad i pinisim Caravan trening biong em na i pas long test bilong CASA.

Tumora bai Brad i go bek long Goroka wantaim wanpela trening kepten long kisim dispela nupela balus i go long ol komyuniti em MAF i save sevim long Goroka.



P2-MAK i flai nau!

Bihain long mekim wanpela bodi sata long Tarri i go long Huya na kisim wanpela sik meri, nupela Cessna Caravan P2-MAK i flai i go long ol arapela komyuniti na mekim ol wok.

Long namba tu raun long Hagen, em i karim ol bokis i gat ol skul ek-sesais buk a sampela arapela edukesen material i go long wanpela skul long Koinambe.

Balus i kisim bensin na bai em i flai i go long Goroka.

Wantaim ol Newell na Venter famili. Luke Newell, husat i save stap

long Mt Hagen, bai go stap long hap wantaim famili bilong em long sampela wik long sekap long ol pailot i save stap long Goroka na givim trening long ol. Ol komyuniti we ol Twin Otter i save flai i go long en bai lukim dispela nupela balus nau.

Asde, wanpela lokal turis kampani i sata long P2-MAK long kisim ol turis i go long Lake Murray.

Visita pailot, Volkher Jacobson i mekim namba wan operesenel flait.

Volkher Jacobsen em i MAF International Flight

Training Manager. Nau em kam hia log kisim tok orait bilong CASA long wok bilong trening na sekap pailot long Cessna Caravan. Em i save laik kam bek long PNG we em i bin bikpela na bihain em i wok olsem wanpela MAF pailot long planti yia. Em i holim wok bilong Chief Pilot.

Volkher i joinim MAF long 1995 na em i wok tasol long MAF. Pastaim em i wok long Arnhem Land, Australia, na long 1996 long Papua Niugini. Long 2004, Volkher kisim famili bilong em

i go long Cairns long dispela wok em i holim nau. Em i save Volkher mekim tupela wok, long opis long Cairns na long Mareeba we em i mekim wok bilong trenim ol pailot bilong MAF na i lukautim Flight Training Programme.

Yu save tu olsem... long 2018 ol balus bilong mipela i flai 11,384 sekta, we i bin gat 11,384 seif take-off na landing. Long olgeta 46 minit wanpela balus i save flai i go long bringim sevis na hepim ol komyuniti husat i save stap long ol ples longwe tru.





Spin-ov bisnis bilong Ramu NiCo Projek go insait long rurel Ples

OL SPIN-OV bisnis bilong Ramu NiCo Projek long Madang provins i wok long surik i go insait long ol rurel viles na haus-lain komyuniti.

Dispela ol spin-ov bisnis em rot long ol liklik man-meri long viles na haus-lain komyuniti i ken mekim liklik mani long helpim sindaun bilong ol o laipstail insait long komyuniti.

Long Basamuk eria long Raikos distrik wanpela spin-ov bisnis em taim ol lokal fama long ples i ken salim fres kumu na frut i go long ketering kampani o lain i save redim kaikai bilong ol

maining wokman meri bilong Ramu NiCo Projek.

Pastaim tru bipo long 2005, kain ol liklik bisnis olsem i no bin stap. Ol lokal fama long ples i save gro-im kaikai em ol yet i save kaikai. Sampela taim ol frut olsem popo i save bagarap na mau na pundaun.

Tude i gat maket i stap we ol lokal fama i ken salim ol fres frut na kumu i go long ol wokman meri bilong Ramu NiCo (MCC) na ol kontrak kampani wokman meri.

Olgeta wik, Nesenel Katering Sevises (NCS) husat i wok join vensa wantaim Raibus na kolim ol yet ol-

sem NCS-Raibus i save salim ol wok lain bilong ol i goaut long ol rurel ples na hauslain long baim ol fres frut.

Tude i gat ol liklik maket i kamap long rot sait long Basamuk na tu antap long Kurumbukari maunten we i givim sans long ol lokal pipel long salim kaikai na ol arapela samting ol wokman meri bilong Ramu NiCo (MCC) i nidim. Ol dispela kain liklik bisnis i helpim tru ol lokal pipel arere long Ramu NiCo Projek long Basamuk eria long Raikos na tu long KBK long Usino Bundi distrik.



Komyuniti Afes (CA) Suprintenden long Basamuk Andy Hu i amamas long baim fres kulau long wanpela boi long Ganglau viles




Ol liklik mangi long Ganglau i amamas long sindaun na salim fres kulau long ol Ramu NiCo wok lain long las wik.



Ol rurel fama klostu long Tugyak i redim ol fres frut long NCS long go kسيم i go long Basamuk mes bilong Ramu NiCo (MCC).



Ol Ramu NiCo (MCC) wokman bilong Saina raun baim kaikai long ol fama long Basamuk rot sait maket.



Moa sapot long Mitchell Pearce makim Blues long Origin

Bihain long Mitchell Pearce i go pas long ol Knights yet long winim gem bilong ol long namba foa wik gen, moa sapot i kamap nau long em i mas makim ol Blues long State of Origin.

Pearce i bin putim wanpela trai na helpim ol arapela pilaia long tim bilong em long skolim sevenpela trai na winim ol Dragons 45-12 Ol tupela top pilaia bilong ol Blues bipo, Luke Lewis na Greg Alexander, i apim nem bilong em bihain long dispela gem.

"Mi laik lukim em i putim jesi bilong ol Blues, bikos em i bin pilai long 17 Origins na mi laik lukim em i win long wanpela Origin series," Luke Lewis i tok.

"Mi laik lukim em i soim ttrupela kala bilong em long ples pilai bilong Origin.

"Em i pilai top futbol na em i mas stap insait long skwat."

Bipo hapbek bilong ol Blues, Alexander, i tok Pearce i bin helpim Knights na apim mak bilong ol long las ples long lata, i kam antap long top 6 tim, bihain

tasol long wanpela mun.

"Mitchell Pearce em i wanpela top hapbek," Alexander i tok.

"Em i save long pasin bilong kontrolim gem na oltaim em i save mekim rait disisen.

"Insait long wanpela mun tasol, Pearce i bin pilai gut tru na helpim ol Knights long senisim pasin bilong pilai na kamapim gutplea sisen."

Em i trupela toktok long Pearce long komitmen bilong em bikos i bin gat planti askim i kamap long stat bilong sisen we ol i bin lus 1-5.



Adam Reynolds, Mitchell Pearce na Nathan Cleary i resis long kisim hapbek posisen bilong Blues tim.

Penrith i no pilai gut moa

Las wiken em i namba sikis wik bilong ol Penrith long lus long gem bilong ol na ol sapota i no amamas na bikmaus long ol. Ol arapela top ragbi pilai tu i paul long dispela slek pasin bilong ol.

Wayne Bennett tu i autim tingting bilong em olsem ol tupela hapbek, Nathan Cleary na James Maloney i no mas pilai long Origin bikos 'ol i no fit', tasol Gorden Tallis i tok wanpea bilong ol i mas go bek pilai long risev gret.

Kosa bilong Penrith, Ivan Cleary, i tokim Triple M's Sunday NRL so, Tallis i tok hapbek Cleary i mas pilai long NSW Cup long kisim moa eksperiens.

"Mi ting pikinini bilong em i mas pilai long risev gret na kisim be strong bilong em, tasol yu no inap mekim olsem, na dispela em i kamapim bikpela hevi," Tallis i tok.

"Bikos Nathan Cleary na Ivan i kisim bikpela presa nau olsem na Ivan i givim dispela hevi long pikinini bilong em.

"Ivan i bikpela man, em i no ken go long hap. Em i bin kosa na i wok long kisim mani. Em i no man kamap kosa bilong pikinini bilong em. Em i ken mekim olsem long haus bilong ol yet.

"Sampela taim sapos pilaia i lusim na go pilai long narapela hap, bai em i ken kisim gutpela tingting na pilai gut gen."

Cleary yeti tok olsem ol Panthers i wok long wari nau bihain long ol i lus long ol Warriors long las wik Fraide nait. Em i namba 6 wik bilong ol long lus.

Nius ripota Paul Kent i tok olsem ol pilaia i gat sampela hevi namel long ol yet.

Em i tok tu olsem bihain long Phil Gould i lusim ol, i bin gat hevi i

kamap namel long kosa Cleary na namba tu bilong em, Cameron Ciraldo.

"Mi harim olsem ol pilaia i no wokbung wantaim," em i tok.

"Mi ting olsem long taim Gould i go hevi i kamap namel long Ciraldo na Cleary."

Pilaia bilong Panthers bipo na kosa bilong ol Blues nau, Brad Fittler, i tok sapos ol pilaia i no bung wantaim, bai ol tupela hapbek Cleary na Maloney i kisim taim.

"Yu ken lukim olsem ol i no wokbung wantaim," em i tokim Triple M.

"Penrith i mas stretim dispela hevi na wanbel long wokbung."

Ol Panthers bai pilai egensim ol Eels long Bankwest Stadium. Em i las sans bilong soim stail bilong ol long Fittler, bipo long ol i tokaut long nem bilong Blues tim long Mande wik antap.

Kosa bilong Dragons bai senisim ol pilaia

Kosa bilong St George Illawarra, Paul McGregor i givim toklukaut long senisim tim bihain long ol i bin lus long ol Newcastle long Sande.

Ol Knights i bin hamaim ol Dragon 45-12 long Mudjee na dispela i bin namba foa wik bilong ol long lus.

Long namba wan hap bilong gem, ol lain bilong McGregor i bin pilai insait long 40 mita mak bilong ol yet. Ol fowad bilong ol i no bin strong tumas na ol i mekim planti asua na kisim penalti.

Ol Red V i lusim ol top pilaia bilong ol long saidlain olsem Gareth Widdop, Corey Norman, Korbin Sims na Jack de Belin, tasol McGregor i no laik harim dispela kain tok.

"Mipela i mas skelim

gut watpo na mipela i lus," Gregor i kros wantaim na i tok bihain long gem.

"Mi ting namba wan 40 minit em mipela i pilai gut na las hap 40 minit, em mipela i save pundaun.

"I tru olsem sampela pilaia i stap long saidlain, tasol ol pilaia i wok long makim wankain asua yet long olgeta wik, olsem na nau em i taim bilong mekim ol senis long tim.

"Long taim ol eksperiens pilaia i no stap, em i no gutpela long ol arapela pilaia i no pilai strong. Mi no amamas long dispela.

"Mipela i gat planti pilaia husat i wok long lainim pasin bilong pilai gut. Em i no isi bikos ol pilaia husat i gat eksperiens i no stap olsem na i gat hevi.

"Mi ting olsem nau yet, mipela i stap long mak

bilong hap yia nau bilong ol gem long kompetisen. Sapos mipela i mekim ol wankain asua yet na ol wankain pilaia i wok long mekim ol dispela asua, orait em i soim olsem ol i no harim tok."

McGregor i tok bai em i skelim ggut pilai pastaim na bai em i mekim ol senis. Em i tok Korbin Sims bai kam bek pilai gen bihain long han bilong em i bruk. Bai ol i pilai engensim ol Cronulla long WIN Stadium.

Fowad bilong ol Jeremy Latimore, i kisim bagarap long skru bilong em na bai i no ina pilai long tupela wik.

"Ol pilaia i no pilai gut long taim gem i bin stat," McGregor i tok long ol pilaia bilong em long gem bilong ol egensim ol

Knights.

"Mi ting long namba wan 40 minit mipela i no strong long diffens o traim abrusim ol asua na penalti na mi no amamas long dispela.

Ol i bin lus tupela de bihain long de Belin i lus long kot bilong em we em i bin askim Federel Kot long stopim tambu ol i putim long em long pilai ragbi. McGregor i tok ating dispela disisen bilong kot i mekim na ol pilaia i no bin pilai gut.

McGregor i tok bai em i larim de Belin i stap long trening wantaim tim long taim em i stap nating.

"Em i wanpea memba bilong klap na tim bilong mipela. Kot i no skelim yet sapos em i bin mekim wanpela asua o nogat," em i tok.

Cooper Cronk bai ritaia

Top pilai bilong ol Roosters, Cooper Cronk bai tokaut long wanem taim em bai ritaia long NRL.

Ol Sydney Roosters i laikim wanpela pres komprens long Sydney we ol bai tokaut long wanpela "bikpela toksave."

Ol i no givimaut sampele moa toktok, tasol Cronk bai tokaut long wanem taim em bai ritaia bihain long em i bin pilai 16 sisen long NRL.

Cronk i gat 35 krismas nau. Em i bin stat pilai long NRL 15 yia i go pinis bihain long em i lusim Brisbane.

Em i bin winim the Dally M medal olsem hapbek bilong 2006, na i winim gen long 2011, 2012, 2013, na 2016, na tupela taim em i bin winim Dally M Medal long 2013 na 2016.

Cronk i winim Golden Boot – top inteneseeel awot bilong ragbi lig long

2016 na long dispela yia tu em i bin kepten bilong ol Storm long gren fainel we ol i bin lus long Cronulla.

Cronk i winim primiasip long 2017 long las sisen bilong em long Melbourne Storms taim ol i winim North Queensland. Long 2018, em i kepten bilong ol Roosters long taim ol i bin winim primiasip. Em i bin brukim wanpela han bilong em tasol em

i strong yet long pilai na helpim tim bilong em long win.

Bungim olgeta wan taim, Cronk i bin pilai long sevenpela NRL gren fainal na winim tripela taitel.

Em i makim Queensland long 22 Origin gem bipo long em i ritaia long 2017, na em i bin makim Australia 38 taim we tupela em long World Cup.



Nathan Cleary bilong Penrith i traim long stretim em yet.

Fittler bekim toktok bilong Bennett

Kosa bilong ol Blues, Brad Fittler i rabisim toktok bilong Wayne Bennett long ol hapbek bilong Origin, Nathan Cleary na James Maloney. Em i tok Bennett i laik promotim ol pilaia bilong em.

Ol Souths i bin winim ol Raiders long 4 poin na bihain long dispela Wayne Bennett i yusim pres komprens bilong em long tokim Fittler long rabisim tupela pilai bilong Panthers na kisim ol fit pilaia. Tupela bilong olsem

Adam Reynolds na Cody Walker.

"Em i toktok long ol hapbek pilaia bilong em husat i wok long pilai gut nau. Ol i tok hapbek long kompetisen nau," Fittler i tokim The Sunday Footy Show bilong Channel 9.

"Olsem na long taim em i putim jaket bilong ol Souths na toktok long State of Origin, mi no ting em i wari long gutpela birausim tupela pilai bilong New South Wales.

"Mi gat rispek long Wayne na ol tingting bi-

long em. Tasol long taim em i subim nus bilong em i go insait long bisnis bilong Origin, em i wok long promotim ol hapbek bilong em. Em i tru olsem ol i gutpela pilaia."

I gat wanpela moa raun bilong ol gem i stap bipo long Fittler i tokaut long nem bilong ol pilaia bilong Blues tim long State of Origin. Tasol sans bilong Cleary na Maloney i no gutpela tumas bihain long tim bilong Panthers i lus long sikispela wik olgeta.

Fittler i lukluk long tingting long putim John Asiata bilong ol Cowboys long posisen bilong yutiliti.

Tasol em i tok sapos i gat ol arapela pilaia i kisim bagarap, orait bai em i putim dispela junia pilaia bilong Parramatta.

"Em i wanpela gutpela futbol pilaia. Em i gat futbol long blut bilong em. Mi ting ol i yusim em nau wantaim Taumalolo na givim wok long em long salim bal i go kam long namel bilong fil," Fittler i tok.



Ol Dragons i skelim tingting nau.

Atiafa sapotim Goroka Lahanis wantaim K50,000

Sape Meta i raitim

MEMBA bilong Hanganofi, Robert Atiafa i helpim Goroka Lahanis wantaim K50,000 long las wiken.

Atiafa husat bipo i wanpela ragbi lig pilaia i tok Isten Hailans i wanpela hap we i save kamapim ol nesenel ragbi pilaia we long makim kantri.

Em i tok em i no gutpela sapos dispela strong bilong ol man i mas lus nating bikos ol i no gat sapot.

Isten Hailans provins i gat 8-pela distrik na i gat 8-pela memba na wanpela gavana.

Em i gutpela namba bilong givim ol gutpela sapot i go long kamapim ol developmen long provins.

Developmen em i ken kam long kain kain wei bilong en. Infrastraksa developmen na humen developmen tu em i stap.

Nau yet bihain long i stap olsem lokal MP na memba bilong Hanganofi long las 8-pela, Atiyafa i no pinis long givim sapot i go long Intasiti Ragbi Lig tim bilong Isten Hailans em Bintangor Goroka Lahanis.

"Mi save amamas tru long sapotim dispela tim, long wanem, em tim we i save karim plak bilong Isten Hailans raun long PNG," em i tok.

"Narapela samting em olsem, insait long dispela tim i gat ol pikinini bilong Hanganofi i stap na pilai insait."

Em i tok long las 8-pela yia em i sapotim Lahanis wantaim mani mak inap long K400,000.

Em i save givim K50,000 long wan wan yia.

"Mi mekim na olsem wanem long ol arapela memba na gavana bilong provins", Atiyafa i askim.

Em i tok amamas tu long Bintangor Bisnis kampani na papa bilong bisnis Simon Sia husat i bin sanap strong olsem sponsa bilong tim inap 17 yia.

Sapos Bintangor kampani i drop-im sponsasip, husat bai kamap na tekova?

Atiyafa tok amamas tu long wanwok bilong em Wera Mori lokal MP na memba bilong Suave long Simbu provins husat i save givim tu planti sapot long Lahanis tim long ol yia i kam na i go.

"Mipela long Hanganofi i save slip na kirap wantaim ragbi lig.

"Em i stap long blut bilong mipela olsem na mipela laikim olsem wok bilong ragbi lig em mas i go yet, na wantaim sapot bilong mipela, em bai i go het strong tru," Atiyafa i tok.



Robert Atiafa, Memba bilong Hanganofi long Isten Hailans i statim Digicel Kap raun 6 pilai namel long Bintangor Goroka Lahanis na Enga Mioks long tupela Sande i go pinis. Foto: Sape Metta

Wapi bai pilai/ Gahuna kam bek long Hunters

Terry Wapi em set long kamap Hunter No.82 bihain long Hunters makim em fulbek bilong dispela wik Sande Intras Supa Kap Raun 11 resis wantaim ol Sout Logan Magpies long Pot Mosbi.

Wapi i bin lusim Rabaul Agmark Gurias na joinim Hunters kemp long tupela wik. Ol narapela nupela pilaia olsem Smith Siviri bilong Galp Isou bai sindaun ausait long fil.

Sailas Gahuna bai huka bilong tim (H44), Nick Hasu bai patna wantaim Justin Yoka insait long hapbek. Kevin Appo na Baundo ABA bai stat pilai fowat. Na tu Junior Rau i kam bek long bagarap bilong em. Enock Maki ol tok orait long solda bagarap bilong em. Adex Wera na Ase Boas tupela bai sindaun ausait long fil bikos long sampela bagarap. Woods Kawage bai bai stap aut

pastaim bihain long em i bin kisim bagarap long wisket bilong em long taim em i bin pilai wantaim Enga Mioks long Digicel Kap na resis wantaim Gurias las wiken

Dispela em ol 20 man skwat:

1. Terry WAPI
2. Junior RAU
3. Brendon GOTUNO
4. Brendon NIMA
5. Gairo KAPANA
6. Justin YOKA
7. Nick HASU
8. Moses MENINGA – Captain
9. Sailas GAHUNA
10. Enock MAKI
11. McKenzie YEI
12. Kevin APPO
13. Baundo ABA
14. Jerry TEME
15. Dilbert ISAAC

16. Epel KAPINIAS
17. Adex WERA
18. Ase BOAS
19. Smith SIVIRI
20. Shane HARO

Kosa Michael Marum bai nemim ol fainel 17 man pilaia bihain long kik ov long Sande.

Long namba wan double header em ol Digicel Kap Raun 8 resis namel long NCDC POM Vipers na PRK Galp Isou long 12:45 apinun. Ol SP Hunters vs South Logan Magpies gem bai kik ov long 3:00 apinun. Geit long Nesenel Futbol Stadium bai op long 11:30 moning long Sande Me 26, 2019.

Long nau Junior Rop na Bland Abavu i bin kam aut long SP Hunters kemp bikos long sampela hevi bilong disaplun risen.

PLANTI STRONGPELA RANA I REDI LONG RAUN NAMBA 3

POT MOSBI ROT RANAS

SARERE ME 18, 2019

TNT DEPO, JEKSENS PEREID, JEKSENS EAPOT, 7 MAIL.

Raund namba 3 bilong Edurens Salens bai kamap long neks wik long Sande moning na Pot Mosbi Rot Ranas bung long Jeksens Eapot long Sarere apinun we ples i stap gutpela tru wantaim planti kol win, long skelim strongpela bilong wan wan.

Sampela i laikim sotpela resis long raunim 3 kilomita arere long eapot long skelim strong bilong ol..

Vicki Sailas i kamap wina namel long ol meri rana insait long 19 minit na 1 seken. Planti meri rana husat i ran bihainim em, Annette Bora (20.44), Rose Paul (23.08), Nellie Jack (23.35), Lucy Titus (25.45), Priscilla Aitsi (26.35), Selina Jack (26.44), Salome James (27.08), Lucy Moore (27.31), na Leana Richard (34.04).

Sampela meri rana tingting long ran i go antap na kam daun long Reida Hil long skelim na stap strong moa yet insait longpela 6.5 kilomita resisbung. Dispela resis i bin lukim Falyn Buda i strong moa yet long kamap nambawan namel long ol meri rana insait long 38 minit na 17 seken, long Glenda Yuwi (47.05), Lomba Takuna (47.22), Nellie Aitsi (53.26), na Nandi Takuna (53.34).

Tripela meri rana husat kamap pas long 6.5 kilomita resisbung ol i strongpela rana long ol longpela resis bung na resis long neks Sande em i isi long ol tripela bilong wanem ol i bin ran wantaim strong long 12.5 kilomita resis long raun namba 2 long Lego Len, Konedobu, tripela wik i go pinis.

Ol lain i no save gut long resisbung hap long Yunivesiti bilong Papua Niugini, i gat gutpela hap ples long ran. Gutpela long en i no gat hil o maunten na i no gat planti kar long rot long tupela 5.6 kilomita lep long ran long en insait long kempas.

Fifti (5) rana husat bin ran long Hanuabada Baipas na Koura Wei long raun namba 2 resis i stap wantaim tingting long kamapim gutpela ran long dispela resis hap long Sande.

I gat sampela ranas husat save ran wantaim amamas na bel isi long soim gutpela pasin na strong long abrusim ol hevi. Dispela kain lain ol rana i bin stap long Sarere apinun em i tripela strongpela ranas, Stanley John(27.31), Will Robinson (27.47) na James Gurumi (30.44).

Sampela rana husat i mekim gutpela luksave long wankain pasin long Sarere em i Simon Nutley insait long (47.28) long longpela resis, strongpela sevis rana (70 – 79 krismas) Neil Nicholls, husat i pinisim resis long namba 15 plesin long 3 kilomita resis, insait long 25 minit na 11 seken na Thirsko Airi long longpela resis insait long 40 minit na 32 seken. Ol 67 rana na ol lain bilong wokabout i bin bung long pinisim resis wantaim.

Narapela strongpela resisbung bai kamap gen long dispela Sarere apinun

wantaim tripela resis, 2- tupela, 4 -pela na 6 kilomita long Solomon Hai Komisn long Kiroki strit long Gordon Faiv na Sande Endurens Salens long Yunivesiti.

Dispela resis bai kamap arere long Sekyuriti sevis long 5 klok bikpela moning. No gat registresen bai kamap na luksave i stap isi tasol. Kamap tasol na Traim. Olgeta i welkam.



PRK Galp Isou daunim PRK Mendi Muruks

Jacklyn Kimala i raitim

PETROLIUM Risos Kutubu em bikpela sponsa bilong Galp Isou na Mendi Muruks na dispela tupela tim i bin resis long raun seven bilong Digicel Kap las wik Sande long Nesenel Futbol Stadium long Pot Mosbi.

Dispela tupela wantaim i bin soim strong bilong tupela long bikpela sponsa bilong tupela long raun seven bilong Digicel Kap.

PRK Gulf Isou i no bin prèt long winim ol PRK Mendi Muruk wantaim tupela poin tasol 16-14.

Long namba wan hap bilong gem ol Muruks i bin pilai gut wantaim helpim bilong Jerry Teme, pilai bilong Hunters tasol ol bin go daun long Isou long namba tu hap bilong gem.

Fulbek bilong Muruks Roy Elison i bin putim wantaim gutpela trai bihain long faiv na las kik bilong Muruks tasol kik i abrus .

Long wankain taim namba 12 Missach Wellen pilai bilong Muruks lokim ol Isou long no ken skoa na em putim wanpela gutpela kona trai tasol kik i bin abrus na dispela i bin bringim skoa go antap long 8-0.

Sikis minit tasol klostu long hap taim na Jeremy Ludwick skoa namba tri trai insait long namba wan hap bilong gem tasol kik i abrus. Kik bilong ol tripela trai i no bin go na dispela i bin daunim poin bilong Muruks.

Klostu hap taim na fulbek bilong Isou i bin giamanim tupela pilai bilong Muruks na putim trai stret na kik bilong ol gutpela na sindaunim tupe-



PRK Galp Isou pilai i no prèt long PRK Mendi Muruks, olsem na ol Isou daunim Muruks wantaim tupela poin 16-14. (Poto Jacklyn Kimala)

la PRK tim 14-6 long hap taim.

Dispela i no bin daunim Isou long skoa tupela moa trai, tasol wanpela kik i bin orait na narapela i bin abrus na apim skoa bilong ol go antap long Muruks 16-14.

Long 34 minit bilong namba tu hap bilong gem, Isou namba tri skoim trai bilong fulbek bikos fulbek i pasim gutpela bal na faulim ol Muruks na trai kamap. Bihain namba tu Peter Soi bekim bilong Muruks wantaim

fainel trai. Na dispela i bin daunim ol Muruks wantaim tupela poin.

Sapos olgeta kik bilong Muruks i bin gutpela, em ol Muruks inap long daunim Isou, tasol Isou i bin kik gut na apim skoa bilong ol 16-14.

Selu i amamas long Isou

Jacklyn Kimala i raitim

HET kosa bilong Galp Isou, Norris Selu i bin amamas long tim bilong em Isou long raun seven bilong Digicel Kap long Pot Mosbi.

Mista Selu i tok dispela i namba wan hap bilong gem em i no bin gutpela, long wanem difens bilong ol i no bin gutpela na givim sans long PRK Mendi Muruks long putim tripela trai.

Em i tok tenkyu long namba sikis pilai bilong ol long kikim gutpela kik long namba wan hap bilong gem baihain long namba wan trai bilong ol.

“Planti asua i bin kamap, namel long ol mangi long wok strong gen long soim gutpela gem long ol arapela raun bilong Digicel Kap,” Selu i tok.

Em i tok ol mangi bai traim long luk bek long trening bilong ol bi-

hain long olgeta asua ol i bin mekim insait long raun seven bilong gem.

“Insait long olgeta gem i save gat wanpela tim i win na wanpela tim i save lus, tasol sampela taim tupela tim wantaim i save dro. Klostu tupela tim wantaim i dro tasol kik bilong namba wan trai i bin mekim bikpela senis long skoa bilong Muruks na Isou,” em i tok.

BSP i save sapatim Pom Racquets Klap

BENK ov Saut Pasifik (BSP) i givim K10,000 sponsasip bilong ol 2019 POM Skwat na Tennis Open, aninit long lukaut bilong PNG Pot Mosbi Racquets Klap.

Dispela bung bai stat long 7 i go long 10 Jun, 2019.

Namba bilong olgeta dispela pilai husat i bin resis long las yia em 160 na nau em moa bai joinim klap wantaim ol arapela pilai bai kam long tupela bikpela senta insait long PNG, em long Lae na Hagen na tu long Noten Kwinslan, Australia.

Pot Mosbi Racquet Klap Dairek-

ta, Merlyn Alarcos-Kirebisch i tok tenkyu long BSP long sapat bilong ol na em i tok dispela registresen em op yet long ol arapela lain husat i laik joinim.

“Mipela i laikim ol arapela rejistresen i mas kam. Dispela bai gat amamas wiken tu na sapos yu i no inap pilai, kam daun na lukim sampela bikpela resis na sapatim ol lokal pilai husat bai makim PNG na go pilai long Pasifik Gems long Samoa,” Alarcos-Kriebisch i tok,

BSP Sponsasip na Events Kodineta, Amelia Minnoppu i bin givim sek long makim benk na em i tok,

“Benk Saut Pasifik i amamas long sapatim ol Pot Mosbi Klap na Tennis Open long spot, promotim lokal talent na kisim taim long go pas long lukautim ol PNG tim na poro kantri bilong mipela husat bai i kam long pilai.

“Benk i gat bilip olsem ol patnasp wantaim Pot Mosbi Racquet Klap bai developim ol pilai husat bai kam pilai tenis long nesenel tonamen,” Minnoppu i tok.

Em i tok BSP i amamas long kamap gutpela kopret lida insait long bisnis, tim pilai insait long spot na long wankain taim resis wantaim.



Sentral Dabaris i pilai strong na pait strong long kisim wankain poin olsem ol Wigmen tasol Dabaris larim Wigem i daunim ol 30-10. (Poto Jacklyn Kimala)

Wigmen na Dabaris pait strong long win

Jacklyn Kimala i raitim

KROTON Hela Wigmen i bin resis wantaim Sentral Dabaris long las wik Sande long Oil Search Nesenel Futbol Stadium long Pot Mosbi.

Dispela resis em raun seven bilong Digicel Kap na i 8, 111 pipel olgeta i bin kamap long lukim tripela header gem, namba wan resis em Hela Wigmen na Sentral Dabaris na bihain em ol Hunters i bungim ol Wynne Manly Seagulls na pinis wantaim PRK Mendi Muruks na PRK Galp Isou.

Olgeta gem i bin ran orait tasol Wigmen tasol kisim moa long tupele arapela resis bilong Intras Supa Kap na Digicel Kap Muruks na Isou.

Long namba wan resis namel long Wigmen na Dabaris, em Dabaris pait strong long skoa tasol Wigmen strongim lain bilong ol na Dabaris i no bin gat sans long putim sampela trai wankain olsem ol Wigmen. Dispela i bin stap wantaim Julius Yakapa husat i bin opim skoa wantim namba wan trai tasol kik i abrus tasol wantaim wanpela penalti gol bilong i bekim abrus kik na putim skoa bilong ol 8-0.

Dabaris i pilai strong tasol ol i kamapim planti bagarap long sait

bilong holim bal gut na lusim bal ol i gat moa asua we ol i mas luk long em na stretim. Insait long namba wan hap bilong gem, Wigmen lokim Dabaris long ol i no ken skoa inap hap taim 12-0.

Insait long 38 minit bilong namba tu hap bilong gem, Wigmen namba 15 i skoim trai long senta wantaim gutpela kik na i bringim skoa i go het 18-0. I no longtaim na senta bilong Wigmen i putim narapela ranawe trai bihainim driman bilong ol na kik tu em gutpela na apim poin 24-0.

Wigmen i bin lokim Dabaris long no ken skoa inap 10-pela minit klostu long fultaim na namba 17 bilong ol Dabaris i bin brukim kiau bilong ol wantaim gutpela kik na skoa i senis 24-6.

Long wankain taim wantaim 2-pela minit klostu long fultaim fulbek bilong Dabaris i bin sanap strong na brukim difens bilong Wigmen na putim fainel trai tasol kik i brus na fultaim skoa em 30-10.

Dabaris i pait strong long daunim Wigmen, tasol ol Wigmen i strongim difens bilong ol na lokim Dabaris long namba wan hap bilong gem na givim tupela trai long namba tu hap bilong gem inap fultaim.




Long (L-R) Squash Kepten Merlyn Aluras, Vais Presiden Ledi Anna Togolo, BSP Sponsasip Events Kodineta Amelia Minnoppu, Squash POM Dairekta Brett Cox na Tennis Dairekta Steven Siaguru.



spotpotos

Oi poto: Nicky Bernard



Pitsa bilong Bears i redi tasol long tromoi bal long gem bilong ol wantaim Saints long semi fainal pilai bilong ol long wiken. Saints i win na bai bungim Sisters long gren fainal long dispela Sarere.



Tau Winne bilong Eastern Star i traim long abrusim pilaia bilong Chebu AROB long pilai bilong ol long PNG Stadium long Mosbi. Eastern Star i win pilai bilong ol na go Bungim Hekari long las wiken we ol bin lus 2-0.



Koboni pilaia i holim bal strong tru taim pilaia bilong Cats i traim long rausim long em long AFL pilai bilong ol long wiken.



Oi bikpela pes bilong Lamana Dockers na Kimbe Cutters i kisim malolo na lukim pilai bilong AFL long wiken.



L&A Golf Tim i kisim namba tu ples long PMs golf long las wik Friday.



Bank PNG i kisim prais bilong ol long kamap sampion bilong PMs Golf long 2019. Oi i kamap nambawan.



Oi bik man bilong Soka i bung long PNG Futbol Stadium bihain long pilai AROB na Eastern Star.



Bears na Saints Softball tim i bung bihain long semi fainal pilai bilong ol long wiken. Saints nau bai go bungim Sisters long gren fainal.

Pine Boss & Heri Hapsens



SP Hunters makim Wapi long fulbek

Jacklyn Kimala i raitim

TERRY Wapi em hap Simbu na Sepik na em i save pilai fulbek bilong AGMARK Rabaul Gurias. Em bai kamap No.82 bihain long Hunters makim em fulbek long resis wantaim ol South Logan Magpies long Raun 11 bilong Intras Supa Kap long Pot Mosbi.

Wapi i bin lusim Rabaul Gurias na joinim Hunters kemp long tupela wik. Nara-pela nupela pilaia em senta bilong Galp Isou Smith Siviri husat bai sindaun ausait long fil.

Terry Wapi i bin stat pilai long Lae Eriku Panthers na bihain em go pilai long Zones sempiosip, bihain long Zones em Snaxs Tigers kisim em long Ekedemik trail. Na long

2017 na 2018 Agmark Rabaul Gurias i bin kisim em olsem fulbek bilong ol.

Em i tok dispela em driman bilong em long kam insait long Hunters skwat olsem na em i amamas long pilai dispela posisen long namba wan taim.

Wapi i tok dispela em namba wan taim bilong em long pilai insait long Hunters na em bai traim long strongim fulbek posisen.

Em i tok bikpela tenkyu long lokal tim menesa, kosa na ol arapela pilaia bilong em long Lae lokal lig klap, na tu kosa bilong em long Gurias Steven Nightingale na tim menesa bilong em insait long Gurias long bikpela hatwok bilong ol mekim em kamap long dispela level.



Terry Wapi bai pilai fulbek bilong Hunters long namba wan taim i bin trening long NFS fil tu. (Foto PNGRFL)

Coca-Cola

TASTE THE FEELING™

The perfect pairing

f CocaColaPNG



Lokal komyuniti na ol Australia delegesen i bin sanap arere long het ston bilong ol lain husat i bin dai long taim bilong woa.

Strongim pren namel long PNG na Australia

KOMEMORESEN o tingim bek sevis insait long Oro em soim klostu na longpela taim frensip namel long Australia na Papua Niugini

Dispela wik, ol Australia Hai Komisnin na Het ov Australia Difens Staf insait long Papua Niugini i bin joinim ol lokal komyuniti long Sanananda, long Oro Provins long opim het ston bilong ol 55/53 ami batalien bilong Australia na ol 180 man husat i bin stap wantaim bagarap, na i bin dai o ranawe bihain long paia pait i bin kamap long Novemba 1942 na 1943 long dispela hap.

Ol i bin go long Buna long lukim ol ples bilong pait long

taim bilong Wol Woa Tu. Ol i bin joinim ol lokal komyuniti long Sanananda long opim het ston bilong ol ami husat i bin dai long taim bilong woa.

Dispela sevis i bin bungim 21 famili bilong ol lain husat i bin dai na ol pikinini bilong ol 'Mice ov Mosbi. "Planti bilong ol dispela lain i no save kam long Papua Niugini tasol dispela sevis i bin bringim ol kam long PNG.

Ananias i bin serim histori bilong em wantaim Australia, long taim em i bin kamap long opim het ston bilong 1973, taim ol liklik grup bilong veterans bilong ol 55/53 Batalien i bin kam long Oro long tingim dai bilong brata bilong ol. Frank Budden

husat i bin opisa long taim bilong woa i bin go pas long dispela grup. Ananias i bin tingim dispela na givim nem long pikinini bilong em Frank, long tingim Mista Budden.

Australia frensip wantaim Papua Niugini em i bin stat kamap long ol pipel na ol stori bilong ol 55/53 Batalien na Ananias na Frank insait long liklik ples long Oro Provins em wanpela bilong ol planti stori bilong tupela kantri.

Mista David Howell i bin sapatim dispela wokabaut bilong ol lain, 'Kokoda Historikol' kofaunda, lukautim na ol pikinini grup husat i bin go wantaim Rob Denny, Presiden bilong ol Mice ov Mosbi Asosiesen.

Wokabaut bilong stopim Korapsen 2019

Jacklyn Kimala i raitim

TRANSPARENSI Intenesenel PNG i bin opim namba 13 yia bilong Anthony Siaguru Wokabaut bilong Stopim Korapsen long las wik Fonde long Pot Mosbi.

Dispela wokabaut bilong stopim korapsen em i save kamap olgeta yia long Pot Mosbi na bungim olgeta yut grup, famili na ogenaisesen long wokabaut wantaim long stopim korapsen insait long kantri.

As tingting bilong dispela yia wokabaut bilong stopim korapsen em Jastis=Enfosmen + Ripoting. Na wantaim dispela as tingting ol i laik bringim olgeta pipel long save long wanem as bilong korapsen na tu soim lo na institusen long

PNG i save sapatim jastis.

Sekretari bilong Jastis Dipatmen na Atoni Jenerel, Eric Kwa, Deputi Polis Komisina Operesen, Mista Jim Andrews na Ekting Koraksenel Sevis Komisina, Stephen Pokanis bai go pas long lukautim dispela wokabaut bilong stopim korapsen.

Seketeri bilong Jastis Dipatmen na Atoni Jenerel, Eric Kwa i amamas long joinim grup bilong Wokabaut bilong Stopim Korapsen long strongim wok bilong Jastis na kamapim bel isi insait long wan wan komyuniti.

"Mipela i laik stopim olgeta pasin nogut na strongim wok bilong lo na oda insait long sistem olsem na nau mipela i wok bung wantaim ol benk, institusen long stopim ol kora-

psen mani i save go insait long ssstem," Kwa i tok.

Em i tok long kamap patna wantaim Transparensi Intenesenel PNG (TIPNG) bai soim ol pipel bilong PNG olsem mipela olgeta i sapatim dispela wok bilong stopim korapsen i save bagarapim komyuniti na kantri.

"Dispela em i no pait bilong mipela wan wan tasol, nogat. Em i bilong yumi olgeta long wokabaut wantaim long stopim pasin korapsen insait long kantri bilong yumi," em i tok.

Em i tok pasin bilong korapsen i stap long yumi olgeta na sapos yumi olgeta joinim han na wok bung wantaim em bai yumi stopim korapsen na strongim Jastis bilong dispela kantri.



Tupela polis opisa i save ranim moto baik i honim sairen bilong motobaik, taim olgeta spesel opisa i bin sanap long opim 2019 Wokabaut bilong Stopim Korapsen long las wik. (Foto Jacklyn Kimala)

MULLG helpim ol elementeri skul long Madang taun

James G. Kila i raitim

MADANG Eben Lokal Level Gavman (MULLG) long las wik Tunde i givim sampela mani long helpim wanpela elementeri skul long Madang Taun.

Meya blong Madang Town, Joe Yama i bin givim aut dispela ol sek moni i go long ol wod kaunsila bilong ol wod we dispela ol skul i stap insait long ol, wantaim ol Teachers- In- Charge bilong dispela ol skul.

Mista Yama i tok klia olsem dispela ol mani i kam long LLG grants we MULLG i save kisim long olgeta yia.

Em i tok olgeta sekta insait long MULLG i save kisim mani long wan wan yia long mekim wok bilong ol, na dispela mani we ol i givim long ol elementeri skul em i kam aninit long edukesen gren.

Dispela ol mani Mayor i tok em bilong 2014 yet tasol MULLG i no bin givim aut inap las wik Tunde

I gat 13 elementeri skul olgeta insait long ol 10-pela wot bilong MULLG na wan wan long ol i bin kisim moa long K10,000.

Mercy Learning Centre wantaim Self- Help Creative Centre tu i bin kisim dispela helpim.

Long wankain taim, Ekting Tawn Menesa, Laki Tongi i tokim ol Teacher- In- Charge bilong dispela ol elementeri skul long yusim gut dispela ol mani.

Em i tokim ol tu long ol i mas ekuitim o mekim gut ripot long rot ol i yusim dispela ol mani long ol.

Mista Tongi i tok dispela ol mani em ol gavman fan na ol i mas yusim gut long helpim gut ol skul blong ol.

Em i tok klia tu olsem, dispela ol kain fanding i save stap olgeta taim long helpim ol skul tasol MULLG i no bin save givim aut.

MULLG bai lukluk tu long helpim ol narapela skul olsem ol primari na haiskul long bihain taim.



Goroka Taun Atoriti i mekim sampela pablik toksave long lokal redio long ol mamapapa bilong ol kau long wokim banis na putim ol long banist tasol dispela toksave em i no karim kaikai yet. Foto: Sape Metta

Ol kau raun fri long bikpela Goroka maket

Sape Meta i raitim

LONG bikpela maket bilong Goroka long Isten Hailans ol kau i wok long raun fri yet.

Ol man na meri long pablik i kamap olsem papama long dispela ol kau, long wanem, ol papamama tru bilong dispela ol kau i no inap long mekim wanpela samting long wokim banis na larim ol i stap insait long banis.

Maket em i ples bilong ol manmeri long pablik i save i go long salim na tu baim ol

kaikai.

Tasol dispela maket em i kamap olsem maket bilong ol enimal tu, bipo pik na nau em ol kau.

Ol manmeri i wokim maket bilong ol na long wankain taim tu ol kau raun fri na lusim pekpek bilong ol long dispela maket.

Dispela i mekim na Provincial Helt Atoriti i gat bikpela wari tru, long wanem, bikpela haus sik long Goroka i wok long lukim nau planti ol man, meri na pikinini husat i wok

long kamap long kisim marasin bilong ol kain kain sik.

Na taipoid em i wanpela long dispela ol sik we i wok long kamap na daunim planti ol man, meri na pikinini. Dispela ol kain sik bai i no inap stop, long wanem, bikpela maket em i no moa seif we ol man na meri i wok long kamapim planti rot sait maket bilong salim ol kuk kaikai olsem skon, sosos, lem flep, sip tang na ol arapela gris kaikai we em i ken kamapim bikpela bagarap na bringim

ol sik na disis.

Antap long dispela, taim ol enimal olsem dispela ol kau ino nap i stap insait long banis na raun fri, ol bai dropim ol pekpek i go i kam long maket ples na kamapim moa hevi long sait bilong helt na hajjin.

Wantok Nius i traime long kisim Goroka taun atoriti na askim long wanem kain muv em bai mekim long stapim dispela kain ol samting we i wok long kamap, tasol emi hat.